



福州等覺禪院住持傳法廣慧大師達杲收印

經板頭錢恭為 今上皇帝祝延

聖壽闔郡官僚同資祿位彫造 廣燈

錄一部計三函 時大觀三年正月日 謹題

天聖廣燈錄卷第十五 出古韻云出古韻云

南嶽山懷讓禪師第七世 云新南嶽山懷讓禪師

汝州寶應禪院顯禪師法嗣 見錄 汝州同

汝州風穴山廷昭禪師 汝州穎橋安禪師

汝州風穴山廷昭禪師餘杭人也初參鏡清大問云

近離什麼處師云自離東來清云還過小江也無師

云大舸獨飄空小江無可濟清云鏡水秦山鳥飛不
度子莫盜聽遺言師云滄溟尚怯濠輪勢列漢飛帆
渡五湖清豎起拄杖云爭祭者箇何時云者箇是什
麼清云果然不識師云出沒卷舒與師同用清云杓
卜聽虛聲熟睡饒瞻語師云澤廣藏山理能縛豹清
云捨罪放憊速須禮拜出去師云出去即失到堂法
上嘆云行脚人著甚來由因緣未了不可便休再見
堂頭云適來輒呈小駭冒黷慈嚴蒙未賜杖責清云適
來言從東來豈不是翠巖來師云雪竇清棲寶蓋東
清云不遂亡羊在解息輒來者裏念篇章師云路逢

劍客須呈劍不是詩人莫獻詩清云詩即速秘略借
劍看師云梟首醜人攜劍去清云不獨觸風化亦自
顛顛預師云若不觸風化爭明古佛心清云何名古
佛心師云再許允容師云何物清云東來衲子菽爽
不分師云祇聞不以而以何得抑以而以清云巨浪
湧千潄澄波不離水師云一句截流萬機清峭便禮
拜清云俊哉俊哉師離鏡清到同安和尚處同安問
石角穿雲路岳騰意若何師云紅霞籠玉像擁嶂照
川明同云恁麼即相隨來也師云和尚也須低聲師
離同安到襄州華嚴院華嚴有牧牛歌請師和師云

羯鼓掉鞭牛豹跳遠村梅樹紫噓都師離華嚴至汝
刈寶應便問入門須辨主端的請師分應於右邊拍
一拍師便喝應又於左邊拍一拍師又喝應云右手
即從闍梨左手作麼生師云瞎應拈棒師云老和尚
不要盲枷瞎棒奪得拄杖却打和尚莫言不道應云
今日被箇面泚子鈍致一場師云和尚大似持鉢不
得詐道不饑應云闍梨莫曾到者裏師云是何言歟
應云好个借問師云也不得放過師却上堂頭相看
應問闍梨曾見什麼人來師云襄列共廓上座同過
夏來應云汝親見作家來師上堂云夫參學人臨機

直須大用現前莫自拘於小節設使言前薦得猶是
滯般殺迷鋒縱使句下精通未免觸途狂見勸汝諸人
應是向來依他作解明昧兩歧與汝一時掃却直教
箇々如師子兒叱呀地哮吼一聲壁立千仞誰敢正
眼覷著覷著即瞎却渠眼珍重師上堂有僧問師唱
誰家曲宗風嗣阿誰師云超然迥出威音外翹足徒
勞讚底沙問古曲無音韻如何和得齊師云木雞啼
子夜窺狗吠天明問如何是佛師云如何不是佛學
云未曉玄言請師直指師云家住海門洲扶桑最先
照問朗月當空時如何師云不從天上輓任向地中

埋師上堂舉梵志詩云梵志死去來魂魄見闍老讀
盡百王書不免被捶拷一稱啗世佛皆以成佛道僧
便問如何是一稱南無佛師云燈連鳳翅當堂照月
映鵝眉顙面看問如何是佛師云嘶風木馬元無絆
背角泥牛痛下鞭問湛寂之機深不顧浩然光景意
如何師云金雞啄破瑠璃殼玉兔挨開碧海門問如
何是廣慧鈕師云小斬死漢問占鏡未磨時如何師
云天魔膽裂進云磨後如何師云軒轅無道問朗月
當空時如何師不在團天且居羨里問矛楯本成雙
醫病帝網明珠事若何師云爲山登九仞捨土定千

鈞問鐘聲纔罷祇有者箇爲復別有師云和聲打問
如何是正法眼師云即便勸瞎師上堂云諸禪德欲
得親切莫將問來問人在答處答在問處雖然如是
問不在答處答不在問處你若擬議老僧在你脚下
有僧問如何是正法眼師云瞎問不施寸刃便登九
五時如何師云失艷波斯田自可戰番猛將馬空廻
問寶劍未出匣時如何師云一任外騰僧便禮拜師
云斬問古人入山見大蟲意旨如何師云木人嶺上
高聲呌石女谿邊側耳聽問大衆面前請師家風師
云一言纔及子大衆盡摺眉問于木奉文俟知心有

幾人師云少年曾決龍蛇陣老倒還聽雉子歌問如何是佛師云杖林山下竹筋鞭問如何是清涼山中主師云一句不違無著問迄今由作野盤僧問如何是學人親切處師云婆孽愛羅娑孽子輒詰傾湫杖一千問一句子當機如何顯大道師云大卵縱周天日輪不當午問如何是真如佛性師云屈進云此理如何師云也要大家聞問如何是和尚家風師云鶴有九臯難翥翼馬無千里謾追風問布鼓當軒擊誰是知音者師云藏身不吞炭進云此理如何師云山雉在遭傷師因在郢州衙內州王與通判請上堂師

外座通判便問大法海有珠驪龍守護如何取得師云用象到時光燦爛肉婁行虎浪滔天判云恁麼則展手乎不逢師云親到寶山空手廻再問弟子親到寶山空手廻時如何師云怨他誰判云恁麼即不禮拜師云誰要侬肉山倒地判云禮拜去也師云不禮拜更待何時判便禮拜師以往杖點三下知州云和尚禪機峭峻何以行令太輕師云薄鞭可以示耻痛杖且待別時問如何是太阿劍師云任將天灑試不用斬攬槍問寶塔元無縫金門即日開時如何師云智積佐來空合掌天王捧出不知音進云如何是塔中人

師云委華風掃去香水雨飄來問未有之言請師試
道師云入市能長嘯歸家著短衣問夏終今日師意
如何師云不憐鵝護雪且喜臘人冰問曾奉指呼爲
遠使不得驪珠便知迴時如何師云振迅不言捨虎
尾叱呀須見殺龍頭問箭頭不立塵時如何師云羅
閱學唐步師上堂云齧鏃破三關分明箭後露你若
擬議即穿顛過時有僧問如何是箭師云穿顛過問
十度發言九度休時如何師云前殿有人橫擔戟退
宮披袞倒騎牛問不與萬法爲侶者是什麼人師云
斫額望扶桑乘槎人不顧問不落干將手如何辨太

阿師云莫將天漚試直下斬攬槍問諸聖爲什麼入
不得師云渾心迷子不垂手屎上蛆兒競出頭問王
子未還如何證據師云金剛捏不陷紅爛不堪拈問
金剛莫比吹毛利爲什麼却被羈羊角觸之師云五
頂華冠脆雙眸眨不禁問劍是名斬是用如何是體
師雲端身裂破面問承聞汝水波瀾急疾焰過風事
若何師云猢猻戴席帽問人王與法王相見時如何
師云紫陵巖畔千華秀白雪樓前萬姓歌進云合談
何事師云直面無迂曲迴眸有慘舒師上堂云相師
心如此日全提去即印住人即印去我如不去不住

印即是不印即是衆中還有道得底麼時有盧陂老
長問學人有鐵牛之機請師不搭印師云慣釣鯨鯢
澄巨浸却嗟蛙步驟泥沙師道了隨後便拂師又云
記得話頭麼陂擬開口師又拂師在汝列街內上堂
僧問人王與法王相見時如何師云大舞舞遠林泉世
間無憂喜進云共談何事師云虎豹巖前曾冥坐隼
隼尤裏播真宗問靈山一會迦葉親聞此日太傅面
前如何舉唱師云鷲峰頂上敲捷捷稚畢鉢巖中闕一
人問尋枝摘葉即不問如何是直截根源師云赴供
凌晨去開堂帶雨歸問滿目荒郊翠瑞草却滋榮時

如何師云新出紅爐金彈子撞破關梨鐵面皮問大
盡是捏怪請師直指根源師云罕逢穿耳客多也刻
舟人問文彩未生還具者角也無師云堂無夫口餐
問如何是互換之機師云和盲不許瞎問是非不到
處請師方便師云金闕路遙非近遠玉關程峻且藏
珠進云乞師露箇面目師云荊棘裏道場問邪舍親
堂處深人事若何師云未曾經寧嶺錯謬入蘆叢進
云正恁麼時如何師云盲龜值木雖優穩枯木生華
物外春問如何是密室中事師云出袖談今古迴顏
獨皺眉問水草蓋閣珠重光顯依無師云雖知不觸

波瀾外帶角披毛在目前開驪嶺有珠如何取得師
云曾向海邊乾竹刺直至如今理素琴問大舸飄空
如何舉棹師云自在不點宵渾家不喜見問如何長
汝州境師云盜竊祖師張行滿疊間連里置囊家問
追風難把捉前程事若何師云波斯衣襖解問誕生
王子還假及第也無師云一句掇光禪子訝三緘
附古人機問久隨梅柳爲什麼金榜上無名師云來
千去萬且要鍛鍊師上堂云遞相供養來遞相供養
來便有僧問將什麼供養師云側首吒呀顛面看問
異類撥生全朕兆機鋒兼帶意如何師云香爇裏撒

屎問真性不隨緣如何得證悟師云猪肉按上滴乳
香問視聽難諧如何博詰師云一念通玄箭三尸鬼
矢艱問隨緣不變者忽遇知音時如何師云披蓑側
立千峰裏引水澆蔬五老前問急切不容步宗分何
路捷師云朔風不假殊常韻迴轉須超逆順機問是
非不到處請師道師云炙輠追奔經扈澗駐車搖鞅
刷黃捷問師子三迅時如何師云拈提非在手妙用
不從他問如何是清淨法身師云金沙灘裏馬郎婦
問如何是祖師西來意師云骨肉縱分離冤家難解
洗問堯王雖有令蘭臺有人過時如何師云出袖不

天聖廣文錄卷十五
九
携梟楚客藏鋒猶念雪林僧問刻舟求不得常用事
如何師云大勲下豎賞柴扉草自深問從上古人印
大相契如何是相契底印師云輕囂道者隨機變在
取招魂拭淚巾問九夏賞勞請師言薦師云出袖拂
聞龍洞雨泛盃波涌鉢囊華問最初自恣合對何事
師云一把香爲拈未下六鑲金錫響搖空閉密協惠
請師指喻師云簾外映孤燈赤心連永夜問如何是
古古佛家風師云誰敢造口進云學人恁麼耶師云劔
良胳膊問如何是鑷頭邊事師云山前一片閑田地
種竹栽松一境寬問如何是賓中賓師云撥眉坐白

雲問如何是賓中主師云入市雙瞳瞽問如何是主
中賓師云迴鑿兩耀新問如何是主中主師云磨礪
三尺劔待斬不平人問金榜狀元必然便挂時如何
師云東堂較藝知甘苦北陸忙羊莫筭程問一色難
分請師顯示師云滿爐添炭猶嫌冷路上行人祇守
寒問王道與佛道相去幾何師云烏狗吠時天地合
木雞啼後祖燈輝問祖師心印請師拂拭師云祖月
凌空圓聖智何山松柏不青大問如何是般若用師
云纜展鋒鋌敲影頸早聞歸欵喪尼乾問如何是學
人立身處師云井底泥牛吼林間玉兔驚問如何是

道師云五鳳樓前進云如何是道中人師云問取皇城使進云道與道中人相去幾何師云月似羅中鏡星如霧裏燈問如何是隨流不變底性師云潑墨池邊曾關勝望青臺上紫橙恠問古曲無音韻如何和得齊師云霖霖汗流山鬼窟袈裟遮面鬼神村問七星光彩轉天河截斷毗盧海嶽波時如何師云伯樂暫垂鞭駑駘誇八駿問空中尋鳥跡時如何師云三種寶車羅列了低聲喚起宅中人師上堂云若立一塵家國興盛野老嘔蹙不立一塵家國喪亡野老安貼於此明得閣梨無分全是老僧要識閣梨麼右邊

拍一拍云者裏即是閣梨要識老僧麼左邊拍一拍云者裏即是老僧老僧與閣梨亦能悟却天下人亦能迷却天下人便下座師上堂僧問大衆雲集請師說法師云赤脚人趁兔著靴人喫肉問不曾博覽空王教略借玄機試道者師云白玉無瑕卞和刖足問假使鐵輪頂上簇定慧圓明終不失時如何師云牙籥入火難收拾象駕推輪早二三問未擬人已前如何分者箇那箇師云碧澗虎驚非振奪金毛距地始吒呀問不傷物義請師便道師云劈腹關心猶未惺燥問如何是臨機一句師云因風吹火用力不多問

未定渾濁如何得照師云下坡不走快使難逢此素
面相呈時如何師云拈却蓋面帛問如何是衲僧氣
息師云膝行肘步大眾見之問紫菊半開秋已晚月
圓當午意如何師云月生蓬嶋人皆望昨夜遭霜子
不知問如何是衲僧行李處師云頭上喫棒口裏喃
大問如何是不壞身師云門外喝棒聲問妙峰無異
路孤輪事若何師云舉世未知無位人當機須顯句
玄大精進大師自西天來問師云學人身三口四請
師懺悔師乃彈指一下云願罪消滅願罪消滅又問
西天此土皆遊徧如何是日用底事師云酥油塗戶

嚮石蜜守垣人問靈山畫月曹谿指月去此二途請
師直指師云無言不當啞進云請師定當師云先渡
汨羅江問如何是諦實之言師云心懸壁上師上堂
云若是上人一流各有證據者畧赴簡徑限未證據
者各自英俊當處發生隨處滅盡如爆龜紋爆即成
兆不爆成鈍欲爆不爆直下捏問如何是學人自己
師云是汝自己僧禮拜師便打問龍透清潭時如何
師云却驗捺尾問任性浮沉時如何師云牽牛不入欄
問凝然便會時如何師云截耳卧街問句絕名言時
如何師云全身紐不出問啐啄同時人如何師云響

問朗月當空時如何師云眠雲卧水問狼煙永息時
 如何師云兩脚梢空師上堂云且據中下止啼之義
 若論祖令便是碧眼胡僧出頭來也須乞命若言盡
 令而行便須債人看陀時有僧問據令而行時如何
 師云你搭散衆僧擬議師便打問祖令當行時如何
 師云點問有無俱無去處時如何師云三月懶遊華
 下路一家愁閉雨中門問有無俱有去處時如何師
 云劔良胳膊輪降欵鐵作曾襟到海壩問獨立孤舟
 時如何師云沙門鳴裏逢恩赦華頂峰前望沃州問
 舉世無雙時如何師云峰標端月角生度鬼門關問

語默涉離微如何通不犯師云長憶江南三月雪鷓
 鴒啼處百華開問不施寸刃便登九五時如何師云
 鞭屍屈項問凡聖不通時如何師云脫削分司離洛
 下問如何是空王印師云蕩天網三空遺跡無透路
 師上堂云我有一隻箭不經久磨鍊不射徧十方要
 且無人見時有僧問如何是和尚箭師作變弓勢僧
 禮拜師云拖出者死漢問不動人情請師全用師云
 截却你舌根進云請師的當師云生擒虎兒死怕盲
 龜進云學人未省如何得親切去師云三異彎弓歸
 夜半五陵攜劔去清晨進云如何受用師云手上截

問如何是破相底一句師云別問如何是主中主師
云猪肉按上古佛心問師子吼時全意氣文殊仗劍
意如何師云額上劃問獨超物外時如何師云欲識
淨刀莫拈羊角問如何是思大吞十方底口師云跨
跳入虎澗折脚上魚船問王程有限時如何師云日
馳五百問得船便渡時如何師云次當海際開無地
容身時如何師云熊耳塔開無印客進云如何即是
師云恰要斷却問如何是大人相師云赫赤窮漢進
云未審日用如何師云攜羅挈杖問牛頭未見四相
時如何師云披蓆把梳進云見後如何師云披蓆把

梳師上堂云三千劍客耻見莊周赤眉排肩得無訛
謬他時豹變後五日看珍重問香象咆哮時如何師
云在市曾參疑殺母問心印未明如何得入師云雖
聞道師投歸款未見牽羊納壁來問明君不握軒轅
鏡不辨朝細事若何師云彼物下來清朝相失問如
何是臨濟下事師云桀犬吠堯問大人相爲什麼不
具足師云鳴梟半夜欺鷹俊問軍期急速時如何師
云受降城下骨崖柴問未達其源時如何師云鶴冷
離巢易龍寒出洞難問不露鋒銚句如何辨主賓師
云口街羊角膠粘問心源未明時如何師云纔喜

佩觿登弱冠便遭脫削髮齊眉問根源未明如何頭
道師云金星照野饒鎚角鐵騎邊征大殺傷問未明
差別智如何得不疑師云苦輪未息難消殺甘露臺
前斷臂時問將身御險時如何師云露布長書寫罪
源進云正當恁麼時喚作什麼師云出入振鈴常正
殺問不修禪定爲什麼成佛無疑師云金雞專報曉
漆桶夜光生問霧卷雲收時如何師云青天處瞎問
塵鹿成群如何射得主中主師云釣船載到瀟湘岸
氣咽無慘問白鷗問學人解問饒訛句請師舉起訝
人撥師云心裏分明眼睛黑問生死到來時如何師

云青布裁衫招犬吠進云如何得不吠去師云似宜
禪袖寂無聲問洪鍾未擊時如何師云充塞大千無
不韻妙含幽智豈能分進云擊後如何師云石壁山
河無障礙翳霄聞後好咨聞問蓮華未出水時如何
師云未能超濁水不被淤泥侵進云出水後如何師
云孤輪雖有異蒸舊下新鮮進云開敷後如何師云
水仙頭上戴衣好莫窺攀問如何是覲面事師云不
知何歲月再覩馬嵬坡問如何是真道人師云竹竿
頭上禮西方問浩大之中如何辨主師云無目仙人
能揣骨關巾聞張執手驚問如何是三世諸佛出身

是師云迴首看龍床却問前來使問魚隱深潭時如何師云湯盪火燒問如何是學人親切處師云須弥南畔齊打鼓賀蘭山下曬皮球問密室之中如何是道師云穿松天外月透室晚霞光問如何是諸佛行李處師云青松綠竹下問如何是三世諸佛出身處師云華嶽三峰頭著地太平天子夢魂驚問如何是法身佛師云孟津關不遠最苦卧如來問昨日偶因童子戲目黷師顏怒也無師云鐵楔迸開蛇肚綻分明顯出瑟瑟聲問如何是大善知識師云殺人不敢眼進云既是大善知識為什麼殺人不眨眼師云塵

埃影裏不拂袖畫戟門前磨寸金汝列太保問師每日為衆提唱是何宗旨師云瑞草本無根信手拈來用進云未審用底是什麼師云千般顯意難彰則一點分明笑日春又問和尚年多少師云本自小彰名今則無不得進云未審畢竟是多久師云老僧年七十三保云元來有數師云早知今日事悔不愼當初保又問云若論此事不得隈刀避箭直須搯簇將來千弓萬箭射不著始得師云千弓萬箭射不著始得保云未審射不著底得什麼人力師云師子振威親執縛象王騰擲拔生牙保云向上還有事也無師云

有保云如何是向上事師云轉身猶有路脫體道應
難師上堂云世尊三昧迦葉不知迦葉三昧阿難不
知阿難三昧商那和修不知迄至吾有三昧汝亦不
知時有僧問未審和尚三昧什麼人得知師云真金
不假爐中試元勝精華徹底鮮問晦夜不隱日中無
影未審是凡是聖師云鈕嶺志公常立望進云正當
恁麼時還分賓主也無師云張騫江上斬龍頭問常
騎駿馬遊闔闔下守枯松翫月輪時如何師云瀑布
巖前思擲鉢進云爭奈舉世不奈何師云亂雲深處
好生涯問一即六六即一一六俱亡時如何師云一

箭落雙鷗進云意旨如何師云身亡蹟謝問十二分
教是傍來如何是正來師云嚙鐵之機直須好與學
云意旨如何師云傍來正面也空聲師問僧聲前來
句後殺僧云死師云出袖藏鋒無定止汝墳經雨倒
降真僧云不會師云入籠問華藏海中獨遊時如何
師云急問如何是第一句師云三要印開朱點窄未
容擬議主賓存便喝問如何是第二句師云妙解豈
容無著問謳和爭赴截流機未問已前錯問如何是
第三句師云但看棚頭弄傀儡抽牽都來裏有人明
破即不可西蜀歐陽侍郎問法王心印達磨將來五

祖付與曹谿自後不傳衣鉢未審和尚得自何人師
有頌答

能忍相傳恰二三信行衣鉢更誰擔明之歷世千燈
外得自何人問那堪

又問古人相見切忌明頭不露言鋒那知旨的師頌
答曰

寸露臺前靡不逢免將明暗諛盲聾當初敗著文殊
處笑殺寒山者老翁

又問如之不動輪轉無窮五陰壞時憑何秉執師頌
答曰

密々堂々觸處周都緣妄識提浮漚三千夢澤在華
掩俊矣天然遇石頭

因僧問話有頌二首
萬法虛無實際深凝然妄肯絕踈親斷常效理修途

若鏡像宜扶豎照頻
萬種方圓在目前低頭思慮萬重關吹毛莫比鑊錐

利一點舒光徧大千
汝列穎橋安禪師人在團爐內坐次鍾司徒來見問

三界焚燒如何出得師以香匙撥火云司徒司徒因
僧參隋州護國淨果大師護國問什麼來僧云汝州

南院來國云南院近日事如何僧云和尚試道者國
 便喝僧亦喝國云住住護國一喝是護國今上座一喝
 作麼生僧云某甲與和尚父子相見國云你看者瞎
 驢作者箇見解便打趁出院其僧至北嶺上逢師認
 得遂坐次舉前來因緣與師云云你看護國棒折那
 師隨後亦到護國大見來便問近離什麼處師云汝
 州國云有事相借問得麼師云合取狗口護國便休
 僧問如何是和尚為人親切處師拈棒僧擬議師便
 打

天聖廣燈錄卷第十五

福州等覺禪院住持傳法廣慧大師達果收印
 經板頭錢恭為
 今上皇帝祝延

聖壽園郡官僚同資祿位彫造
 錄一部計三函
 時大觀三年正月日
 謹題

天聖廣燈錄卷第十六

南嶽山懷讓禪師第七世
 汝州西院思朋禪師法嗣

鄧州興陽山靜禪師

南嶽山懷讓禪師第八世

汝州風穴山延沼禪師法嗣
見四錄人

汝州廣慧禪院真禪師

汝州寶應禪院省念禪師

鳳翔府長興禪院滿禪師

潭州靈泉院禪師

南岳山懷讓禪師第九世

汝州寶應院省念禪師法嗣八十一人後卷內

汝州首山乾明院懷志禪師

汝州葉縣廣教院賜紫歸省禪師

竹州鐵佛院智嵩禪師

汾州人中寺太子院賜紫善昭禪師

郢州興陽山靜禪師初參見西院問擬問不問時如

何西院便打師良久院云你若喚作棒眉鬚墮落師

言下大悟師開堂升座僧問師唱誰家曲宗風嗣阿

誰師云少室山前無異路

汝州廣慧禪院真禪師開堂日僧問如何是廣惠境

師云小寺前資慶後問如何是和尚家風師云杓把

掃帚師在風穴時一日穴問真園頭會昌沙汰時護

法善神向什廣處去師云常在闌闌中要且無人見

穴云你徹也

汝州寶應禪院省念禪師萊州人也俗姓狄氏受業

於本郡留禪院得法於風穴也師初開堂升座云佛法付與國王大臣有力檀那令法不施絕燈火相續至于今日大衆且道相續箇什麼良久云須是迦葉師兄始得時有僧問靈山一會何異今朝師云墮坑落壑進云爲什麼如此師云瞎問師唱誰家曲宗風嗣阿誰師云少室巖前親掌示進云更請洪音和一聲師云也要大家知問如何是和尚家風師云一言截斷千江口萬仞峰前始得玄問如何是首山境師云一任衆人看進云如何是境中人師云喫棒得也未僧禮拜師云喫棒且特別時問如何是佛法大意師

云楚王城畔汝水東流問從上諸聖向什麼處行李師云牽犁拽杷問古人拈槌豎拂意旨如何師云孤峰無宿客進云未審此理如何師云不是守株人問如何是首山師云東山高西山低進云如何是山中人師云恰遇棒不在僧禮拜師便打問如何是道師云爐中有火無心撥處人縱橫任意遊進云如何是道中人師云坐看烟霞秀不與白雲齊問諸聖說不到處請師舉唱師云萬里神光都一照誰人敢並日輪齊問寶劍未出匣如何師云大洋海底澄心鏡進云出匣後如何師云天外吐沙獨擺梢問寶劍未出

匣時如何師云你不惜猶可進云出匣後如何師云
伏惟尚饗問如何是道師云脚下深三尺問蓮華未
出水時如何師云水深一丈進云出水後如何師云
從地高三尺問如何是古佛心師云三箇婆婆排班
拜師上堂云要得親切莫將問來問人在答處答在
問處若將問來老僧在汝腳底汝若擬議即沒交涉
時有僧出禮拜師便打其僧不退便問掛錫函巖時
如何師云錯學云錯師又打問虛空以何爲體師云
老僧在汝腳底進云和尚爲什麼在學人腳底師云
知汝是箇瞎漢其僧後入室請問祇如道老僧在汝

腳底意旨如何師云橫身不怕侵泥水捨却全身待
作家進云知汝是箇瞎漢意旨如何師云將寶奉君
人不識却令瞽瞍墮生盲問湛然時如何師云未明
心下諦不過首山關學人擬進語師便打問一毫未
發時如何師云路逢穿耳客進云發後如何師云不
用更遲疑問如何是祖師西來意師云風吹日冬安
鴻漸貪外問一物未將來時如何師云何得對衆謾
語漸擬議師便打又問是法住法位世間相常住如
何是常住底法師豎起拄杖云且道是住是不住漸
云未曉之徒如何領會師云依稀似曲纔堪聽又被

風吹別調中又問弟子不會致問乞師指示師云本
急浪聞魚自現金鱗透入碧潭潭中師上堂云若論此
事不掛字脚時有僧問百丈捲席意旨如何師云龍
袖掛拂開全體現進云師意又如何師云象王行處絕
狐蹤有劉殿頭問龍庭金口問如何對王機師云一
輪迥超三界外當軒照破萬家門辭日又問臨行一
句請師指示師以手撫背一下進云莫錯認定盤星
師上堂云諸上座不得盲喝亂喝者專尋常向你道
賓即始終賓主即始終主賓無二賓無二主無二主
若有二賓二主即是兩箇瞎漢又云我若立時你須

坐我若坐時你須立坐即共你共坐立即共你共立
雖然如是到者專急著眼始得若也眼目定動即十
里萬里何故如此如隔窓看馬騎擬議即沒交涉諸
上座既然於此留心直須子細不要掠虛他日異時
賺著你諸人若也有事近前無事歸堂師上堂有僧
問終日忙々那事無妨如何是那事師云孤峰頂上
千華秀萬仞峩峨峻處行進云莫便是為學人處也
無師云大衆歌揚送千峰永不迴進云迴來底事又
作麼生師云粉骨碎身猶未放三年一度送錢財學
人禮拜師云噯々問如何是古佛心師云鎮州蘿蔔

僧有頌重三斤夏末留^{僧有}今年邁六十七老病相依
 且遣日今年記却來年秋來年記却後年日師於淳
 化四年十二月四日上堂有頌二首示眾曰諸子漫
 波大過却幾恒河觀音指弥勒文殊不奈何白銀世
 界金色身情與非情共一真明暗盡時俱不照日輪
 午後示全身師言訖於法座上跏趺示寂俗壽六十
 七僧臘四十九茶毗之後收舍利建塔於本山
 鳳翔府長興禪院滿禪師開堂僧問師唱誰家曲宗
 風嗣阿誰師云四海岸邊曾闕勝進云學人不會此
 意如何師云矢却撓棹至如今問如何是古佛道場

師云行便踏著進云踏著後如何師云冰消瓦解進
 云為甚如此師云城裏君子郭外小兒問如何是吹
 毛劔師云觸挂不得進云用者如何師云粉骨碎身
 進云大好觸挂不得師便打問如何是清淨伽藍師
 云滿院足蒼蠅問如何是汝海明珠師云覷不得進
 云還許學人親近也無師云你作麼生親近僧便唱
 師云許你一著僧擬議師便打問大用現前時如何
 師云鬧市裏輓上堂來問
 潭州靈泉院禪師上堂僧問祖祖相傳大何物師今
 法嗣大何人師云拈提不落手進云未審畢竟嗣何

人師云要用任縱橫問承先師有言金沙灘裏馬郎
婦意如何師云上東門外人無數進云便怎麼會去
時如何師云天津橋上往來多問既足靈泉為什麼
喫長流水師云無沙下口處進云飲者如何師云不
中滴問如何是和尚活計師云一物也無進云未審
日用何物師便喝僧禮拜師便打一物不將來時如
何師云衣襠兩邊垂

汝州首山乾明院懷志禪師上堂有僧問如何是無
縫塔師云汝河南岸蒲墻鎮進云如何是塔中人師
云無限閑田屬劉家問如何是祖師西來意師云云

三尺杖子破瓦盆問如何是佛師云桶底脫問如何
是首山境師云姜店北面高陽山進云如何是境中
人師云兩山和尚長來往

汝州葉縣廣教院賜紫歸省禪師冀州人也姓賈氏
年弱冠易州保壽院出家受具後遊南方參見汝州
省念禪師大見來豎起竹篋子云不得喚作竹篋子
喚作竹篋子即觸不喚作竹篋子即背喚作什麼師
近前掣得擲向階下云在什麼處念云瞻師言下大
悟不離左右執侍巾鉢經于數載師開堂日拈香云
此一辨香不從他方得我是汝州水土問祖大相傳

大祖印師今得法嗣何人師云寰中天子塞外將軍
進云汝玄一滴蒙師指向上家風事若何師云高祖
殿前樊噲怒須知萬里絕煙塵問昔日世尊說法梵
王躬親此日朝騎臨筵將何指教師云寒雁過時聲
噓大喜鵲喃大悅殺人進云恁麼則法雨深傾人天
有賴師云雲綻家六月春來處大華問下落諸緣請
師便道師云落問如何是出家人師云緊裏頭進云
恁麼則在家出家也師云麤麻鞋問如何是無縫塔
師云頭不梳面不洗問喫却施主食將何報答師云
老僧罪過進云恁麼則萬兩黃金亦消得師云家醜

不外揚問如何是衲僧活計師云城東太山廟學云
不會意旨如何師云判官手裏筆問如何露地白牛
師云破盆子學云意旨如何師云堪作什麼師一日
升座僧問纔上法堂來時如何師拍禪牀一下學云
不會意旨如何師云無人過價打與三百師上堂云
宗師血脉或凡或聖龍樹馬鳴天堂地獄鑊湯爐炭
牛頭嶽卒森羅萬象日月星辰他方此土有情無情
以手劃一劃俱入此宗此宗亦能殺人亦能活人殺
人須得殺人刀活人須得活人句作麼生是活人句
道得麼對衆道看若道不得辜負平生珍重問寶劍

如何師云換手槌臂問蓮華未出水時如何師云競
頭生角進云出水後如何師云一場懣懣問十方薄
伽梵一路涅槃門如何是一路涅槃師云洞山見雲
門進云未審意旨如何師云老僧元是冀列入問承
古有言未得入頭直須覓箇入頭既得入頭不得辜
負老僧意旨如何師云獨脚蝦蟆能上樹學云意旨
如何師云野鵲戴席帽問不落言詮請師便道師云
西方極樂界進云恁麼則滿口道不得也師云東土
樹子大問如何是和尚受用師云長三尺問如何是

佛法大意師云米貴麥賤問維摩丈堂不以日月為
明和尚又堂以何為明師云眉分八字學云不會意
旨如何師云耳聾雙肩問徧處寰中未曾逢一人時
如何師云枕學云恁麼則碧霄雲外無依倚師云未
曾解開鞵學云錯師便打問如何是和尚四量心師
云放火殺人學云慈悲何在師云遇明眼人舉似問
如何是古佛心師云你不高聲問進云莫祇者箇便是
也無師云是即錯進云如何得不錯去師云千錯萬
錯問如何是無功用智師云舉目千山秀大海湛然
清問學人迷路請師直指師云三更不閉戶進云此

理如何師云日午不點燈問不在內不在外不在中
 關未審在什處師云南斗六北斗七師因童子念
 經問僧聞念經聲麼僧云今日勘破師云作家僧云
 草賊大敗師云老僧今日失利師云廣教有驗人關
 截人機活人句還有道得底麼若是道不得可惜平
 生問如何是涅槃路師云玄沙不出嶺寶壽不過河
 進云如何是涅槃門師云三更無忌諱進云此理如
 何師云切忌五更時問如何是密用心意師云關市
 裏輓毬進云未審意旨如何師一任眾人看師因病
 有僧問色身病法身病師云江山無阻滯日月鎮長

明問自己面目為什麼終日不見師云拈却牙齒著
 進云見面後如何師云大眾盡皺眉師上堂云堯磨
 西來法傳東土直指人心見性成佛獨標萬德物外
 宜揚悟之者纖塵不隔迷之者背覺合塵中下之機
 也須子細莫虛過時光各人有之況以西來的意教
 外別傳道契一言縱橫自在打破觸髅揭却腦蓋豈
 不快哉珍重問維摩默然文殊讚歎此意如何師云
 莫埋沒維摩進云恁麼則清淨道場師云錯認定盤
 星問不施寸刃便獲全功時如何師云不封不樹進
 云未審此意如何師云今古不同且應時問古佛舍

利爲什麼點不上師云家藏利器盜者息心問真性
不隨緣如何得正悟師云大洋海底紅塵起須彌頂
上浪滔天問無目人來請師指路師云紫羅袋裏盛
官誥金榜題名天下傳問如何是道師云萬緣俱頓
息夜半繡鴛鴦問如何是學人自己師以手一劃云
會麼學云不會師云合掌靈山問世尊西來由
竹州鐵佛院智嵩禪師僧問如何是和尚家風師云
籠囊澹飯進云恁麼即朝朝相似也師云古來鐵佛
今日傳名師勸二僧元是同參纔見便云還記相識
麼參頭擬議第二僧打參頭一坐具云何不快祇對

和尚師云一箭兩垛師又勸僧什麼處來僧云遊臺
來師云還見龍王麼進云和尚試道者師云若教我
道瓦解水消僧擬議師云不信道

汾州大中寺太子院賜紫善昭禪師翰林學士工部

書文公揚億撰
語錄序在本集

師初開堂有僧問靈山一會迦葉親

聞今日一會什麼人得聞師云大眾側聆進云恁麼
則群生有賴師云不因外寶座爭頭六師能問師唱
誰家曲宗風嗣阿誰師云不歷僧祇却直出古皇前
進云恁麼則郡城有望師云五岳峰巒秀四海肅歸
朝問虛空權譬喻隨處得彰名未審是箇什麼物師

云居天人不測入地更深埋進云恁麼則學人雖不
識歷却盡露息師云劔良胳膊從他鬧劈腹開心始
是明師小參云莫有人問話麼有即出來便有僧問
冰綻魚散時如何師云水清魚不現長波自往來進
云龍王當居何位師云在處存金殿前坤我獨尊進
云恁麼則更無過者師云按劔誰得妙當人不自傷
師乃云若是按劔手汾陽不奈何還識得劔麼與你
註破裏中無當刻海內獨橫行珍重師上堂云汾陽
門下有西河師子當門據坐但有來者即便截殺有
何方便入得汾陽門見汾陽人若見汾陽者人堪與

祖佛為師不見汾陽人盡是立地死漢如今還有人
入得門麼快須入取免得辜負平生不是龍門客切
忌遭點額那箇是龍門客一齊點下舉起拄杖云速
退速退問如何是接初機句師云汝是行脚僧進云
如何是辨衲僧句師云西方舊日出卯進云如何是正
令行時句師云千里持來呈日面進云如何是立乾
坤句師云北俱盧洲長粳米食者無貪亦不嗔師又
云祇將此四轉語驗天下衲僧纔見你出來驗得了
也問如何是學人著力處師云嘉州打大像進云如
何是學人轉身處師云陝府灌鐵牛進云如何是學

人親切處師云西河弄師子師又云若人會得此三句語已辨三玄三要切須薦取不是等閑與大眾頌出日三玄三要事難分得旨亡言道易親一句分明諺萬象重陽九日菊華新便下座師因北地寒僧衆難立云且住小參候春暖不經旬日忽有一僧兩耳帶環手持金錫來到方丈云和尚何得住却小參衆中自有不懼寒暑為佛法者堂中見有六人是法器言訖而退不知處所師却小參乃成一頌胡僧金錫光請法昭汾陽六人成大器今我為提綱師上堂云汾陽有三訣衲僧難辨別更擬問如何拄杖驀頭掣

便有僧問如何是三訣師便打僧禮拜師有頌第一訣接引無時節巧語不能詮雲綻青天月第二訣舒光辨賢哲問答利生心拔却眼中楔第三訣西國胡人說濟水過新羅舶地用鑛鐵且道三訣語還有會底麼有會底通露消息要知遠近莫秣地記言記語便當平生有什麼利益不用久立重珍問如何是相師西來意師云多年松樹饒皴散心間自有一條明問如何是宿中宿師云合掌菴前問世學云如何是宿中主師云對面無傳侶學云如何是主中宿師云陣雲橫海上拔釵攪龍門學云如何是主中主師

云三頭六臂擎天地忿怒那吒撲帝鍾問凡有問答
賓主各逞嘉竒火室無言將何委的師云千人叢裏
罕逢此問學云千山萬水來於此已奉慈悲事坦然
師云坐斷日頭天地黑萬象森羅在目前學云官不
容針私通車馬學人禮拜師云下禮拜更待何時問
如何是一句前事師云不落言詮明的旨纖毫纔動
即參差學云如何是一句後事師云兩陣相逢不迴
避學云恁麼則透皮徹骨去也師云橫拖倒拽任塵
漫學云終不敢辜負和尚師云至孝是重華問如何
是法眼師云已曾勸瞻學云未審向上事如何師云

撈天摸地問久響汾陽威勢全略展金毛示取看師
云三日後露學云恁麼則學人退身三步師云一月
後再來問祖師心印絕有言詮臨機一句事如何師
云三千里外看途程學云恁麼即退後去也師云萬
仞峰巒不離此處問大問不轉時如何師云龍馬加
鞭急鑿鈴響洛川問布鼓當軒擊誰是知音者師云
停鋤傾麥飯卧草不攪頭問久響西河師子及乎到
來爲什麼不見師云汝識師子學云恁麼則大衆盡
得隨喜師云腦裂始知忙問正法門中如何是和尚
得入處師云衆星摺夜月不落紫微官學云恁麼則

朗月獨當天也師云不昧夜行人師上堂云一切衆
生本源佛性譬如明月當空祇爲浮雲遮障不得顯
現便有僧問明月當天却被片雲遮時如何師云老
僧有過關梨須知學云恁麼則分明辨的師云退後
莫思量問舉步涉千谿尋源路轉迷箇中一句子請
師爲提擲師云千年無影樹今日見枝柯學云若不
申此問爭得見師機師云瞽人者畫壁師上堂云夫
說法者須及時節觀根投機應病用藥不及時節總
喚作非時語所以楞嚴會上云欲知佛性義當觀時
節因緣若明君臣父子邪正觸淨顯然自分喚作歸

老謳歌皇道坦然佛法現前搶縱自在生殺臨機或
明賓中主或明主中賓或明賓中賓或明主中主或
兼帶或探竿顯草或一句中有三玄三要還有問者
麼出來對衆商量時有僧問智慧門難解難入學人
不會請師直指師云真正無私語句下要分明學云
恁麼則謝師親開方便門也師云千萬年後不得忘
却問靈龜未兆時如何師云海裏搖舩笑舉掉望程
途問甘露水頻淋爲什麼百草不生芽師云田疎不
貯水龍王爭那問下上何寒暑漸盛貪者何依師云不挂
無私服終日樂哈个學云恁麼則應不孤露也師云

深巖隱不得露地不彰形問如何是道場師云下脚
不得問不悟祖宗不信大道時如何師云打破瑠璃
卵透出鳳皇兒學云今日親見和尚也師云三千里
外筭途程問匹馬單槍離群獨戰時如何師云舉手
不拈弓低頭失却箭學云和尚是大善知識爲什麼
如此師云敗將不斬問學人欲涉雲霄去到彼如何
爲有情師云塞外將軍行正令不展紅旗得勝歸問
面前無障礙爲什麼問口不得師云盡日無言說喃
々語更新學云恁麼則已能師子吼也師云不用野
干鳴學人便喝師云恰是學人擬議師便喝學人禮

拜師云敗將不斬問如何是衲衣下事師云赫赤窮
漢學云乞師方便指妙捷句來者師云木女穿針山
色秀石人牽線海雲生問如何是祖師西來意師云
徹骨徹髓學云此意如何師云徧天徧地問涅槃無
異路方便有多門作麼生是無異路底句師云鐘鼓
分明在日月不曾昏學云恁麼則狗子吠人聲師云
不齧破人衣問若真修道人不見世間過未審不見
箇什麼過師云雪埋夜月深三尺陸行地舟萬里程
學云和尚是何心行師云却是你心行師上堂纔升
座便有僧問從上一人行棒一人行喝未審成得箇

什麼邊事師云總不曾用學云堪嗟楚下鍾離昧師
云庶子當機矢戰場學人便喝師云作家學人禮拜
師云却不作家以拄杖點便喝問大悲千手眼如何
是正眼師云瞎學云怎麼則一條拄杖兩人早師云
三家村裏唱也歌學云怎麼則和尚同在裏頭師云
謝汝慙慙問殺父殺母佛前懺悔殺佛殺祖向什麼
處懺悔師云燈連挑夜月度盡幾多人學云怎麼則
水精宮裏觀明月師云映輝明寶燭炎赫爍旌幢問
日裏不點燈即不問如何是裏裏不揚眉師云牀底
掃不出學云怎麼則和尚同是用心人也師云天外

豈能知師上堂人衆方集便有僧問如何是汾陽境
師云子夏峰高登者少西河水滿問津多學云如何
是境中人師云坐久看風信燒香燭聖燈師徧歷諸
叢洞達淵旨因與戒禪師語及曹洞機要遂云五位
參尋切莫知纖毫纜動已相違金剛透匣誰能用唯
有那吒第一機舉目便令三界靜振鈴還使九天歸
正中妙俠通迴互擬々鋒銳失却威師因頌五位纔
畢便有僧問如何是正中來師云旱地蓮華朵々開
學云開後如何師云金葉銀絲承玉露高僧不坐鳳
皇臺問如何是正中偏師云玉兔就明初夜後金雞

須報五更前問如何是偏中正師云毫末成大樹適
水作江河問如何是兼中至師云意氣不從天地得
英雄豈藉四時推問如何是兼中到師云王女拋梭
機輒大石人打鼓響聲大帥因僧請問逐位頌出云
正中來金剛寶釵拂天開一片神光橫世界晶輝朗
耀絕塵埃正中偏霹靂鋒機著眼看石火電光猶是
鈍思量擬大隔千山偏中正看取輪王行正令七金
千子總隨身途中猶自覓金鏡兼中至三歲金毛牙
爪備千邪百怪出頭來哮吼一聲皆伏地兼中到大
頭無功休作造木牛步火中行真箇法王妙中妙

六相頌

見是阿那律分明無一物大地及山河演出波羅蜜
聞是跋難陀聲通總莫過遠近一齊了更不念摩訶
香是菟伽女慈悲心偏普淨穢盡能知即此我人母
味是憍梵鉢掛苦尋常說入口辨辛酸恰似當天月
觸是瞬若多善惡總能和屠割無嗔喜祇箇是咏陀
意是大迦葉毘盧俱一法幽室顯然分枝派千華葉
師在汾州因駙馬都尉李遵勗致請潞州承天禪院
開堂彼方官民灑涕遮留既而俞諾互陳筵供為餞
遂召專使謂曰暫赴厨饌大畢來取廻書食畢詣之

俄觀不起于座而趣圓寂矣聞維之後眾收舍利起
塔堂於寺前大德僧徒皆留悲而會法至則高談
時在會因憫其宿操李公最疑難經以奉天縣尉
意具大監業與處財一赴函室隱微伏姓亦十華業
論其神甚矣善惡難論嗚呼嗚呼神聖善惡具亦到
和共齋焚檢持苦長常需人口神辛河計妙當天凡
善長慈心女慈悲公慈普慈慈慈慈慈慈慈慈慈
開長知維新慈慈慈慈慈慈慈慈慈慈慈慈慈慈
且長知維新慈慈慈慈慈慈慈慈慈慈慈慈慈慈
天聖廣燈錄卷第十六

福州等覺禪院住持傳法廣慧大師達杲收印
經板頭錢恭為
今上皇帝祝延
聖壽闔郡官僚同資祿位彫造
錄一部計三函
時大觀三年正月日
天聖廣燈錄卷第十七
謹題

南岳山懷讓禪師第九世
汝州寶應禪院省念禪師法嗣一人十人前卷內
襄州谷隱山蘊聰禪師
并州承天院賜紫智嵩禪師
汝州廣慧院真慧元璉禪師

劍門黃磔謚禪師 池州仁王處評禪師

隨州智門廻罕禪師 潭州西臺契曠禪師

襄州鹿門賜紫慧昭山主

汝州葉縣廣教禪院歸省禪師法嗣見錄

汝州寶應禪院法昭禪師

唐州大乘山慧果禪師

汾州太子院善昭禪師法嗣見錄

汾州太子院道一禪師 筠州東禪院守芝禪師

襄州谷隱山蘊聰慈昭禪師初參百丈常禪師因結

夏百丈上堂舉中觀論云正覺無名相隨緣即道場

師便出問如何是正覺無名相丈云汝還見露柱麼

師云如何是隨緣即道場丈云今日結夏師離百丈

至汝列參省念禪師入問學人親到寶山空手迴時

如何念云家門前火把子師於言下大悟乃有頌

呈念禪師云我今二十七訪道曾尋覓今朝喜得逢

要且不相識念師接得訶叱於師三五日下之顧師

但侍左右歷數載念化緣畢乃杖錫南行至襄州洞

山初和尚處師問云三玄有句事上難分不落是非

請師便道洞山云待汝啞得洞山口即向汝道師云

恁麼即解行巖嶮路不在繫行纏洞云博堆重倒地

師離洞山到郢州大陽山警延和尚處陽問近離甚
麼處師云近離襄州陽云作麼生是不隔底句師云
和尚住持不易陽云且坐喫茶師便參衆去侍者問
適來新到祇對住持下易和尚爲什麼教且坐喫茶
陽云我獻佗新羅附子他酌我船上茴香你去問他
有語在侍者請師喫茶問適來祇對和尚道住持不
易意旨如何師云真鑰不博金師離大陽到隋州智
明戒和尚處戒問承聞老兄親見作家是否師便喝
戒云棒上成龍後便打令坐喫茶畢師云莫怪適來
容易祇對和尚戒云不然却是老僧造次鄧州廣濟

通和尚聞舉云大小戒和尚被聰上座換却一隻眼
也不知後却廻襄州石門山於景德三年知州杳道
請住石門山於天禧四年郡守夏竦重請住本郡谷
隱山太平興國禪院僧問師唱誰家曲宗風嗣阿誰
師云山連嵩嶺地近洛川問如何是佛師云邛列多
出九節杖僧禮拜師云莫作荅佛話會問如何是祖
師西來意師云九里山上望船舟進云意旨如何師
云市舶亭前人不識問來時無物去時空二路俱迷
如何得不迷去師云秤頭半斤秤尾八兩問怎麼又
不得如何得恰好去師云乾來山脚長問如何是石

門境師云一任衆人看進云如何是境中人師云明日來喫棒問王子未登九五時如何師云紫雲樓上看天色進云登九五後如何師云日月光中現寶刀進云登與未登是一是二師云王令已行天下徧若有當頭便滅身進云當頭者如何師云一身塗炭猶未放可憐九族盡遭逆僧禮拜師噓大師上堂云堯磨九年面壁大似歷良唐土兒孫二祖立雪斷臂有求皆苦三祖攀樹而化何不安牀枕四祖橫接牛頭同人面前不能開口五祖雖紹祖位且不知有行脚事六祖預述遺文遷化後頭也不能作主讓和尚磨

埤接得馬大師兩箇鈍漢石頭入山飼虎更道要表宗乘若是今時學般若菩薩總莫取者七八箇漢定若取定時落他繼續若不取者七八箇漢定盡是自然外道總不妙是須知有各人出身之路作麼生是諸上座出身之路知有者對衆道者良久云直饒道得盡是名貌將來珍重僧問雲隱鳳皇時如何師云山深無覓處鷓鴣鳥每相逢問切忌一句作麼生道師云垂手過膝進去此理如何師云兩耳齊肩問如何是祖師西來意師云腰帶裏覓綿問覲面相呈時如何師云隔學云隔箇什麼師直下唾問門外三車學

人擬求牛車時如何師云未是極則處學云如何是極則處師云大吠虛聲切痴人望太陽問三差路頭未審教學人往何路而去師云莫錯學云便怎麼去時如何師云錯問古人道來日大悲院裏有齋意旨如何師云日出隈陽坐天寒不舉頭問權借一問以為影草時如何師云待你啞得石門口即向汝道問如何是古佛心師云踢著秤錘硬似鐵問如何是人境俱奪師展兩手學云不會師鳴指一下問如何是道師云臘月三十日進云如何是道中人師云新春向暖日僧禮拜師有一頌臘月三十日言中須辨的

更覓道中人新春向暖日問如何是道師云車輾馬踢進云如何是道中人師云橫眠豎卧問古人索火意旨如何師云任他滅進云滅後如何師云初三十一進云怎麼則正好時節師云你見箇什麼道理學云今日一場困師便打問如何是先昭後用師云喚吼峰頭火把子長安城內不通風問云如何是先用後照師云長安城裏不通風喚吼峰頭火把子問云如何是照用同時師云喚吼峰頭無火把長安城裏絕人行問云如何是照用不同時師云昨日十五今日十六問學人開旗請師展陣師云你試呈者醜拙

看僧擬議師便喝僧喚侍者師云瞎僧禮拜師云旗
又開了陣又展了爭奈地上七蹤八橫便歸方丈因
作清涼河僧問忽遇洪水滔天還堰得也無師云上
拄天下拄地進云却火洞然時又作麼生師云橫出
豎沒問王子未登九五時如何師云六宮深處坐進
云登九五後如何師云當殿不稱尊天禧四年請住
谷隱山開堂日師乃拈香示衆云此一辨香十五年
前呈醜拙了也如今還有人委悉麼若相委悉對衆
商量時有僧問祖令未行時如何師云猶守卧沙場
進云學人未曉乞師再指師云寒灰無再焰問如何

是奪境不奪人師云峴首亭邊好用功進云如何是
奪人不奪境師云雪消流水慢進云如何是人境兩
俱奪師云冰結滿庭寒進云如何是人境俱不奪師
云放你一線進問古人道見色便見心露柱是色那
箇是心師云書見跛箕星進云未審意旨如何師云
柳營節級橫階上問虎逼臨崖時如何師云峽學云
苦師云怨他誰問如何是出袖藏鋒師云箭發離弦
易問如何是入袖藏鋒師云霜刃出匣難問如何是
袖裏藏鋒師云大家惜取好僧擬議師便喝問伯牙
未遇鍾子期時如何師云夜靜更深彈一曲進云遇

後如何師云琴破弦斷一時休問如何是道師云善
大帶牌進云為什麼如此師云令人懼見問如何是
沙門行師云三三兩六各不相知進云畢竟事如何
師云截舌有分

三玄三要

報你諸方道三玄句下分若言親的旨臘月太陽春
一喝分賓主照用一時行要會箇中意日午打三更
三玄句

第一句點刻分明早茶鹵更擬進前問如何西天移
來安此土第二句妙用臨機無差互開口動舌沒交

涉棒下分明須薦取第三句問答分明有言句諸方
盡有好商量二歲童兒皆怕苦

綱宗頌

馬師足下出雄兒大展綱宗吐舌時臨濟解彰黃檗
喝三聖瞻驢火人知興化妙對同光帝寶壽萬壽用
及時西禪南院剃刀諾風穴寶塔至今持汾陽師子
當門距廣教落字須鑄碑石門後輩都說了誰人敢
和目前幾師於天聖四年駙馬都尉李遵勗致書迎
請不容固辭後於五月一日就本宅正堂剏嚴法座
會諸黑白請師升座有僧問昔日龍女靈山親獻南

方作佛今日都尉躬親得何果報師云明人似日連
天照暗人昏人自迷進云未審什麼人知委師云
本衆現前又有僧問今朝已赴公侯命向上綱宗請
畧提師云當初猶自可妄想至如今師云祖意難窮
得之者可越階梯教裏易明失之者高麓永隔是以
福律同途凡聖不異自是迷情不了背覺合塵向他
人口裏取則若是了者天堂地獄鑊湯熅炭十頭獄
卒乃至五無間旃陀羅舍並是清淨道場若是不了
者十二時中向什麼處安身立命約諸名士盡是了
者畧與山僧相見都尉出禮拜不起捧香爐去師云

引利人難得便下座師之存逝事蹟即有李遵勗所
撰塔銘具之

塔銘
附卷

慈照聰禪師塔銘 并序

天聖十號歲壬申暮春三月八日國東神岡資國寺
涅槃先師示疾醉子問四大如何黑豆堪合醬薑菹
好和壘作偈曰故疾發動不多時寅夜賓主且相依
六十八歲者雲水雲散青天月滿池午映趣寂後三
日茶毗趺坐如生既就薪火卒無煙五色成焰觀者
如市隨光所照各得相見舍利大如豆小如秫采雜
不可計白色如珠未者與燼相錯又盈斗闕地丈表

舉鉅復出土亦香黑白競杯取踏裾弥月未易強塞
何靈應之如是得不爲震且異人乎蓋聖化之攸感
近代之罕倫也自嬰痲瘵困倦提撕問疾誰堪多自
病而不詣尅亡預定知神會之必同始悟於汝州首
山省念爲馬祖九世嫡襄陽虎谿鳳皇兩山聚千徒
曆二紀天下仰之予表賜紫方袍再號慈照名蘊聰
南海人也姓清河氏幼不雜戲終日習坐里人異之
自落髮不執旁行書而自義了未三十達寶所有奇
相洪鍾在簾小扣小聞明鑑當臺胡來胡見識是草
是藥者體病皆平樂無佛無人者覺塵復擾予承世

善慶素慕禪悅故翰林楊文公億中山劉公筠不我
遐棄爲方外之交未嘗不切劘盡規獨惟投然雖心
曰證而凡機會口莫能言譬自謂良馬一日千里不
見奔蹏予早欽風而虎谿世之頌福地也會師退位
以素緣熟乃走胥命駕百舍重趼道將迎意遂有王
城之人剗慈寺居之獲陪巾屨之侍諦求眉髓之論
卽掌論房鴉問徑山禪可學乎曰此大丈夫事非將
相之所爲一旦聞舉一喝三日耳聾之話如處菡室
燿爾而頓明如對靈山吶然而微笑自此叙弟子禮
或外館開供妙談渴聞旋請入都留閣旬浹或命駕

香刹時問輕安服勤左右六周歲籥于是確求歸隱者數四咸緩以他語貴乎延居亦嘗微露風指謂吾償汝宿緣祖稱有記事著傳錄今不可泄後自言者臘高之後倦談而已師與首山洎數同嗣咸以今甲子化事具天聖廣燈錄居常祗接間燕堂會僧圖盡見之駐神岡後捨諸方各山大寺肯來禮足願拄錫者又無央數惟杜門不報如有復我者善為辭焉所謂可得聞而不可得見矣兩官以副馬吳元宸故館為慈孝寺上以奉累聖之隆法下以厚近嫻而濟思恢曩制肇立叢禪釐極宏規冀延大士以師稱諸貴

議上具禪消且欲強致之天子察其懷道匿曜先潛使詞審之不誦又復挑欲與語遂領之二聖但德之而加聖諭以安其志有詣國家興寶勸其將護荅曰人自差殊法非增減仰受付託匪一朝夕不在乎一老比丘耳既化之後規中慨歡緣差然有故事梁帝將禮於少林遂已面壁劉主躬謁於靈樹遽乃順世詳因所自諒非偶爾存逝殊跡遠邇彰聞予竟無所止前二道場爭求靈骨歸葬予以名山勝地欽崇悠永軼夫優論從如鳳皇但奉珍寶畱舍利塔于資國同予侍立真圖為終身之供吁鸞皇瑞世非為於久

留水月觀容是且乎常住重念契感胡可酌報白寫
翠刺聊示叢林若夫出黃蘗之門略同於裴相作金
粟之上絕企於龐公讚述不文而系之銘
結離四句絕百非

并州三交承天院智嵩禪師上堂云三交之路蜜難
通汾水潺湲不停朽木龍騰滄海繫電之機驚人師
子窟中豈安異獸三乘之教不離方寸祖師西來何
曾有意佛祖不立教又何依人法雙遣權為道矣禪
德且莫停囚長智養病喪軀驂日揚眉早成鈍漢三
乘教外別傳一句便有僧問如何是教外之句師云

新羅元是高麗國進云恁麼則法海之中師得自由
師云波斯鼻孔長三寸問如何是學人行履處師云
僧堂前佛殿後問如何報得四息三有去師云幸是
無事人剛為客作漢問祖師西來三藏東去當明何
事師云佛殿是部署修僧堂是老僧蓋進云恁麼則
全因今日師云今日事作麼生僧便喝師便打問不
在內不在外不在中間未審在什麼處師云番國皮
裘八百價師上堂云寒温冷暖著衣喫飯自下欠少
波大地竟箇甚麼祇是諸人不肯承當如今還有承
當底麼有即不得辜負山河大地珍重師勘僧云迦

葉門前客祇園會重僧云今日特來禮拜和尚師云泊合不問閣梨僧便喝師云錯僧又喝師云放你三十棒僧云許和尚一隻眼師云喫棒了呈款州主張侍中永德來訪師適值師出侍中於方丈內將拄杖去師來日却入衙相看侍中云和尚失却拄杖耶師云草賊大敗侍中云恁麼則落他艱便也師云并賊捉獲又因一日侍中與轉運同入院轉運不拜侍中云何不拜長老師云猶不肯承當侍中云恁麼則與長老作弟子去也師便掌侍中云是何一掌師云不是者漢大難承當侍中云恁麼則醞造將來師云

今日勘破師上堂舉法眼禪師偈云見山不是山見水何曾別山河與大地都是一輪月大小法眼禪師未出涅槃堂三交即不然見山河與大地錐刀各自用珍重

汝州廣慧院元璉真慧禪師開堂日有僧問如何是祖師西來意師云竹竿頭上帶紅旗揚侍郎問天上無弥勒地下無弥勒未審在什麼處師云敲磚打瓦又問祇如風穴道金沙灘裏馬郎婦意旨如何師云更道也不及師方又後有菴凶與官人坐次官人乃問如何是庵中主師云過牆遭棘狗問如何是祖師

西來意師云大白星轉問如何是佛師云兩箇不是
劍門黃磔山謚禪師開堂日升座示眾云會麼慈雲
今日與你注破去也乃有一頌慈雲今日顯宗風不
說無心道路通取上眉毛佛已過者迴與你話西東
問師唱誰家曲宗風嗣阿誰師云寶應堂前無妄語
今時施設不參差學云恁麼則汝水一派劔嶺分枝
師云莫亂消問如何是佛師以拂子轉一轉豎起進
云供養者何師云漢木休挂念錦里有光生問如何
是無縫塔師云獨曉孤輪三界外長年踈豁古路中
問王印開時誰人受信師云野老撫掌去牧童樂道

歸問不識不見請師道出師云鐵打利劍將軍用筆
定乾坤宰相才問如何是祖師西來意師云紅輪光
萬戶渌水遶青山
池州仁王院處評禪師大在念禪師會下一日參次
師問如何是佛法大意念便喝師禮拜念師拈棒師
云和尚此間勿世界耶念師拋下拄杖云明眼人難
賺師云草賊大敗
隨州智門廻罕禪師上堂有僧問匣中寶劍隨時用
還許當場用也無師云青竹竿頭標四方進云恁麼
則天雨洗榮城也師云道者百雜碎也問學人未舉

和尚已先知和尚舉意如何委悉師云一句論分明
徒勞更側耳僧擬議師便喝師因爲北塔院僧使點
茶師乃起自尋僧使近上坐僧使云鷓子頭上焉敢
安巢師云捧上不成龍隨後打一坐具僧使茶後却
起來云適來却成觸悞和尚師云江南杜禪客覓什
麼第二椀
潭列南嶽山帶臺院契曠禪師初開堂日衆集定時
有僧問師唱誰家曲宗風嗣阿誰師云昔時經遊地
趙浴老婆心進云恁麼即汝水分枝衡陽長策也師
云小兒得寵便勇問如何是佛師云三十二相天人

仰進云莫抵者箇便是也無師云八十種好鬼神驚
襄州鹿門賜紫慧昭山主楊億侍郎寄一問入山下
畏虎當路却防人時如何主云君子坦蕩之問如何
是鹿門山主云石頭大底大小底小進云如何是山
中人師云橫眠豎卧
汝州寶應院賜紫法昭禪師上堂云寶應門風險入
者喪全身且道出身一句作麼生道有道得底麼出
來道者珍重問承教中去大通智勝佛十劫坐道場
佛法不現前不得成佛道爲什麼不得成佛道師云
赤脚騎鐵驢直至海南居

唐州大乘山慧果禪師上堂有僧問如何是從上來
傳底意師云金盤托出眾人看問如何是佛法大意
師云杏種來年麥熟當年未誰云莫是和尚為人
處也無師云逢人但恁麼舉問撥塵見佛時如何師
云撥塵即乖見佛即錯進云總不如是時如何師云
錯

汾州太子院道一禪師上堂有僧問師唱誰家曲宗
風嗣阿誰師云五音六律非關妙四智三空和不齊
問如何是佛師云賣扇老婆手遮日問如何是汾陽
境師云子夏山高雲變隼西河水急貫滄溟進云如

何是境中人師云郡主在此莫犯威風僧禮拜師云
且放一頓問紅輪未出時如何師云照燭分明進云
出後如何師云撈天摸地問如何是學人親切處師
云慈母抱抱嬰兒進云如何是學人轉身處師云街
頭巷底進云如何是學人著力處師云千斤擔子兩
頭搖師因與數人座主茶話次一座主問師會文章
否師云不會座主云和尚莫祇是會禪麼師云亦不
會座主云何名長老師乃與一頌不會文章不會禪
無智愚訥且安然饒君效用通無碍也落汾陽第二
卷

筠州興教院守芝禪師纔升座僧問如何是和尚家
風師云一言出口駟馬難追問如何是地城裏佛師云
十字街頭石幢子問如何是為人一句師云四角六
張進云意旨如何師云八凹九凸問不落三寸時如
何師云乾三長坤六短進云意旨如何師云切忌地
營虛問昔日靈山分半座二師相見事若何師云記
得麼僧良久師打禪牀一下云多年忘却也師云且
住且住若向言中取則句專明機也似迷頭認影若
也舉唱宗乘大似一場寐語雖然如是官不容針私
通車馬放一線道有箇著藤處師遂打禪牀一下云

三世諸佛盡皆頭痛且道大衆還有免得麼若一
人免得無有是處若免不得海印發光師乃豎起拂
子云者箇是印那箇是光者箇是光那箇是印掣電
之機徒勞佇思會麼老僧說夢且道夢見箇什麼南
柯十更若不會聽取一頌北斗挂須弥杖頭挑日月
林泉好商量夏末秋風切珍重師纔升座僧正宜疏
畢維那白槌云法筵龍象衆當觀第一義時有僧問
大用現前不存軌則請師揮劍師云點眼知人意者
取令行時進云腦後穿帶云齋後鐘問如何是佛法
大意師云推天磕地問心法無形如何雕琢師云丁

兩丁進云未曉者如何領會師云透七透八問如何
是大愚境師云四面峰巒秀泐江一帶清進云如何
是境中人師云蒲城公子貴林下道人棲開拓植豎
拂即不問當機一句事如何師云焦頭燎面進云雷
音已徹青雲外向上極則又如何師云且領前話師
云問話且住淨名杜口猶涉繁詞達磨西來平欺漢
地放一線道去也放箇葛藤處所以李長者云夫有
情之本同智海以還源抱識含流總法身而爲體諸
仁者既是總法身而爲體還知道須彌吞却法身法
身吞却須彌麼諸仁者朝夕與古佛同參與諸方老

和尚同參山僧今日與大眾同參且道參什麼如是
定當得且認得箇著衣喫飯猶去衲僧半月程在若
定當不得來年更有新條在惱亂春風卒未休久立
珍重上堂僧問如何是道師云八斛四斗進云如何
是道中人師云煮粥煨飯問寶劍未出匣時如何師
云切忌道著進云出匣後如何師云天魔腦裂師云
舉一步須弥峯峯海水騰波不舉一步於微塵國土
助一切諸佛出興於世轉大法輪還信麼若信得西
瞿耶尼喫飯去珍重上堂僧問如何是祖師西來意
師云白日燒地眠夜間灸地卧問古鏡未磨時如何

師云照破天下人觸體進云磨後如何師云黑似漆
問既是清淨法身為什麼却澡浴師云頭出頭沒進
云爲什麼如此師云我爲如此上堂僧問洪鍾纜擊
大衆雲臻祖意西來乞師垂示師云六丁六甲進云
未曉者如何領會師云會即錯問馬師未見讓師時
如何師云緊進云見後如何師云切問如何是佛師
云鋸解秤鑄師云德山入門便棒臨濟入門便喝一
棒一喝若雙峰而互出賓主未辨恁大而萬里鄉關
照用方行擬之而千差塞路諸上座到者重憑何說
會師乃有頌棒喝齊施早已賒古今皆證絕周遮二

途不涉憑何說南海波斯進象牙珍重上堂僧問特
大上來伸三拜乞師分付拄杖子師云科進云恁麼
則功不虛施師云重因請本院首座闍堂僧問承和
尚有言一人悟道三界平沉首座悟道三界還沉也
無師云下淹不抑進云恁麼即一言纔出大地全收
師云落三落四師云爲衆竭力蓋爲袈裟同肩一處
喫飯莫是人名披一條同鍋喫飯麼此是分見還知
道三世諸佛共披一條所以釋迦身長丈六留下袈
裟與弥勒弥勒身長千尺披付恰好何故如此蓋爲
長者長法身短者短法身要得易會麼古佛與露柱

相交佛殿與天王鬪額若也不會單重交折珍重師
上堂云有時一喝祇作一喝用有時一喝作探竿影
草有時一喝如踞地師子有時一喝如金剛王寶劍
若是金剛王寶劍不得正眼覷著覷著即喪身失命
師乃有頌不是千將鑄那關四氣吹匣內青蛇吼逢
妖任便揮若得全提者當機豈失時毗盧驚得走大
衆盡擗眉久立珎重師上堂示衆云大愚相接大雄
孫五湖雲水競頭奔競頭奔有何門擊箭寧知朽木
存朽木存一年還曾兩度春兩度春悵重真珠撒與
人撒與人思量也是慕西秦珍重師上堂云昔日外

道問佛不問有言不問無言世尊祇踞坐外道乃云
世尊大慈大悲聞我迷雲令我得入云大小世尊被
外道茶糊一上紙如外道云聞我迷雲令我得入且
道還得入也未要會麼不魯夢見久立珎重師上堂
云僧問汾州和尚如何是接初機句汝是行脚僧如
何是辨衲僧底句西方日出卯如何是正令行底句
千里持來呈白面如何是立乾坤句北俱盧洎長粳
米食者無貪亦無瞋師乃云將此四句語以驗天下
衲僧子細思量將此四句語被天下衲僧一時勘破
珍重師上堂聞鐘聲云觀音門入者蝦蟆蚯蚓助汝

果州永慶院光普禪師 襄州鳳凰山了同禪師
桂州寧壽禪院慧靈禪師

江陵府竹園山法顯禪師
彭州永福院延照禪師 唐州大衆山德遵禪師

蘇州洞庭山翠巖禪院慧月禪師
鎮國軍節度使檢校太保駙馬都尉李遵勗所有

別從
編錄

湖州景清禪院房素禪師 覺圓上座

汝州廣慧院元璉真惠禪師法嗣見錄
翰林學士工部侍郎楊億

袁州南源山楚圓禪師法嗣二人見錄

潭州道吾山真禪師語句不收

普照禪師修戒附

袁州南源山楚圓禪師初住南源開堂日白槌云去
筵龍象衆當觀第一義師乃云大眾曾麼宜陽秀水
南嶽石橋若也不會山僧謾你諸人去也所以道達
磨西來教外別傳一句且道別傳箇什麼直指人心
見性成佛祇如諸人盡是祖師指出底人還信得及
麼若信得及與祖佛同參若信不及可謂自生退屈
此日一會不是小緣將一瓣香爲我無德禪師且道

諸人還識無德禪師麼若也不識有疑請問僧問世
尊出世梵王前引帝釋後隨今日和尚出世請師說
法師云好僧云恁麼則粉骨碎身去也師云三月野
華鋪地錦九秋黃葉以為陰問如何是祖師西來意
師云畝地三蛇九鼠上堂云若論此事絕有言詮待
者拈香早成多事所以釋迦掩室已涉繁詞居十默
然却成多說何故彼人出家彼人行脚且問諸人作
麼生是出家行脚底事莫是著衣喫飯行住坐卧廣
學多聞無言無說麼若恁麼會大似掉棒打月既不
許恁麼會又作麼生會衆中還有識好惡者麼有即

出來對衆證明若也未能如是有疑請問僧問鼓聲
纔罷大衆雲臻祖意西來請師舉唱師云汝從甚處
來僧云汾陽一句師親唱南源今日事如何師云汝
見南源問有言有說皆是世諦之談無言無說未是
衲僧行履處幸對人天請師垂示師云放山僧一線
道與閣梨葛藤僧云恁麼則專為流通師云一片白
雲橫世界箇中誰是出頭人問如何是佛師云水出
高原問如何是佛法大意師云洞庭湖裏浪滔天問
如何是南源境師云黃河九曲水出崑崙如何是境
中人師云隨流入不顧接手擎扶桑上堂云雲收霧

卷泉日常空不落明暗如何通信問如何是異類中
人師云頭長脚短進云恁麼則謝師指示師云半幅
全封進云恁麼則直恁麼去也師云關梨鼻孔爲什
麼却在老僧手重僧無語師便打問久爲流浪途中
客乞師方便指歸源師云饑餐渴飲進云恁麼則因
師得契如大埋十載徒勞了色空師云晝行三千夜
行八百問山深覓不得時如何師云口能招禍問東
涌西沒時如何師云尋思夜靜獨行時如何師云三
把茆問寶劍未出匣如何師云響出匣後如何師噀
一聲問鬧市取靜時如何師云頭林布袋師入列崇

勝和尚請上堂師云者裏崇勝法堂下可向者裏說
佛說法去也然雖如是官不容針私通車馬恁麼大
似擔水河頭賣炭中還有檢點得底麼試出來檢點
看有麼有麼時有僧問諸法已聞今日響請師方便
演真乘師云天不高地不遠僧云孤峯出群嶽萬里
百華新師云不是直鉤客徒勞到海壖問昔日靈山
分半座二師相見意如何師云來風可鑿進云恁麼
則大衆側聆學人禮拜師云剎利人難得問如何是
古佛家風師云金蟾初出海何處不分明進云還許
學人請益否師云大海無邊際不宿水雲人乃云若

向言中取則埋沒宗風直饒句下精通敢保此人未
悟所以道山青水渌雀噪鷓鳴萬派同源海雲自異
未來諸佛口似燈籠過去諸佛應病施方現在諸佛
墮坑落澗不落凡聖一句作麼生道良久云屎上更
加尖便下座師至仰山請上堂云寶鏡當臺森羅自
顯太阿在手殺活臨時且道還有該不著者麼有即
倒道將一句來如無後學初心有疑請問時有僧問
知師久卧深潭裏大仰升堂事若何師云雨來山裏
暗雲出洞中明進云學人不會再伸請益師云拈取
幡竿別處春僧無語師云弄潮須是弄潮人問大通

智勝佛十却坐道場佛法不現前不得成佛道未審
意旨如何師云一場懽懽進云祇如大通智勝佛又
如何師云八十翁若少年進云學人耳順之年乞
師再垂方便師云衆人伏事問如何是佛師云蓮華
捧足師乃云馬大師即心即佛當人未悟槃山非心
非佛祇成戲論雪嶺輓毬誑小兒之作雲門顧鑒
笑殺傍觀入室自傷一場大錯德山入門便捧未遇
奇人臨濟入門便喝大殺輕薄黃梅呈頌人我未忘
更言祖大相傳遞相誹謗到者裏須是箇人始得所
以道鷹生鷹子鷓生鷓兒雖然如是也是鞏縣茶餅

乃彈指下。下座上堂僧問油盡燈滅時如何師云養子不及父問海上雲游時如何師云苦問牛頭未見四祖時如何師云堆下地見後如何堆下地問如何是和尚受用麪師云困僧擬進語師便打問矢前忘後時如何師云不問一得永得時如何師云抱石投河問仗鎧鄒劔擬取師頭時如何師云斬將去僧擬進語師便打上堂云一切諸佛及諸佛阿耨多羅三藐三菩提心皆從此經出乃豎起拄杖子云者箇是南源拄杖子阿那箇是經良久云向下文長付在來日乃喝一喝下座上堂豎起拄杖云過去諸佛現在

諸佛未來諸佛西天二十八祖唐土六祖天下老和尚總變成南源拄杖子去也汝諸人向什麼處安身立命者下拄杖子穿過你諸人觸體去也還有識痛痒者麼有即出來對衆踣跳者若無南源今日失利喝一喝卓拄杖下下座上堂良久云無為無事人猶是金鎖難喝一喝下座因同人相訪上堂云颯下涼風景同人訪寂寥煮茶山上水燒鼎洞中樵珍重僧問如何是宿中賓師云札拜更慙慙如何是宿中主師云拄杖常在手如何是主中賓師云拄杖撥乾坤如何是主中主師云劔握甌入手問如何是佛師

云瀟湘斑竹杖問達磨未來時如何師云長安夜々
家六月進云來後如何師云幾處笙歌幾處愁問一
物不將來時如何師云塊木成林問四山火來時如
何師云物逐人興問祖佛不立時如何師云口上生
菴問纜見便迴時如何師云湖南鎮主進云末後慙
慙請師道師云多少分明進云大眾側聆師云未敢
相許問進前不得時如何師云截斷衆疑問步六登
高時如何師云雲牛足下問如何是南源狗師云紫
問如何是禪師云鼻孔入地問如何是佛師云石打
不入上堂云諸佛放光明助發實相義乃豎起拄杖

子云者箇是南源拄杖子阿那箇是實相義徐若見
去被見聞所轉也若不見行脚眼在什麼處喝一喝
下座上堂云一塵纔舉大地全收一毛頭師子百億
毛頭現百億毛頭師子一毛頭現千頭萬頭但識取
一頭乃豎起拄杖子云者箇是南源拄杖子那箇是
一頭喝一喝卓拄杖一下下座問如何是佛師云人
老病生問如何是接初機底句師云一刀兩段問如
何是驗衲僧底句師云寒山拾得問如何是正令行
底句師云天來千去萬問如何是立乾坤句師云天
高海闊問與師並坐時如何師云線穿黃葉問古人

封白紙意旨如何師云家貧路富問如何是祖師西
來意師云三日風五日雨問蓮華未出水時如何師
云水深蓋不得進云出水後如何師云不礙往來者
開華後如何師云南北馨香結子後如何師云餵魚
餵鱉上堂云天地與我同根萬法與我一體乃豎起
拄杖子云者箇是南源拄杖子那箇是體良久云渡
河須用筏到岸不須船喝一喝卓拄杖一下下座上
堂豎起拄杖云河沙諸佛河沙國土總被南源拄杖
子一口吞却其中衆生不覺不知你衲僧鼻孔在什
麼處若知去處橫擔拄杖目視雲霄若也不知長連

牀上有粥有飯喝一喝下座上堂云夫宗師者奪貧
子之衣珠救達人之見處若不如是盡是和泥合水
漢良久云路逢劔客須呈劔不是詩人莫獻詩喝一
喝下座上堂云吾有一言絕慮忘緣巧說不得祇要
心傳更有一語無過直與且道作麼生是直與一句
良久以拄杖劃一劃喝一喝下座問已事未明以何
爲驗師云玄沙曾見雪峰來進云未審意旨如何師
云一生不出嶺有俗官問如何是南源境師云鑿池
秋待月種竹夏遮陽如何是境中人師云城中公子
般人貴林下道人事人貪問久昧衣珠請師指示師

云草賊大敗僧云透走無路師云脚踏不動座主問承教有言因緣自然自然即不問如何是因緣師云記來多少時也進云如何是自然師云速退速退妨他別人問心祖意與教意是同是別師云馬有垂韁之報大有驥草之恩進云與麼則不別也師云西天東土問六國未寧時如何師云夜遇天河進云寧後如何師云死在嫗人之手問如何是學人自己師云打骨出體上堂云入水見長人珍重上堂示眾云面西行向東北斗正離宮道去何曾去騎牛卧牧珍重上堂云春生夏長即不問你諸人脚跟下一句作麼

生道良久云華光寺主便下座師住者吾上堂僧問達磨西來曲為今時不屈宗乘請師舉唱師云雲雨灑長空莖開扁師春進云澗松清冷澹曉月照長川師云一言既流通今古誰言異進每雲生嶺上華發巖前師云相逢盡道休官去林下何曾見一人進云今日遭逢和尚師便喝上堂舉先寶應云第一句薦得與祖佛為師第二句薦得與人天為師第三句薦得自救不了若是道吾即不然第一句薦得和泥合水第二句薦得無繩自縛第三句薦得四稜著地所以道起也海晏河清行人避路坐也乾坤黯黑日月

無光你諸人何處出氣如今還有出氣者麼有即出
來對衆出氣者如無吾與汝出氣去也乃噓一聲下
座上堂云佛以一音演說法衆生隨類各得解且道
晝行夜卧一句作麼生道良久以拄杖卓一下云德
山證明下座上堂云藥多病甚網細魚稠便下座問
行脚不逢人時如何師云釣絲絞木問尋枝摘葉即
不問如何是直截根源師云楊栗拄杖僧云未審意
旨如何師云行即肩挑雲水衲坐來安在掌中擎問
既是護法善神爲什麼張弓架箭師云禮防君子問
如何是佛師云有錢使錢問獬象當軒學人擬大如

何得入師云還覺頭痛麼上堂云無明實性即佛性
幻化空身即法身諸仁者若信得去不妨省力可謂
善才入跡勒樓閣無邊法門悉皆周徧得大無礙號
曰無生法忍所以道無邊刹境自他不隔於毫端十
世古今終始不離於當念且問諸人那箇是汝當念
要會麼祇你如今無明之性即是本覺妙明之性爲
汝不了生死根源執妄爲實隨安所轉致墮輪廻受
種大苦若能廻光返照自悟本來真性不生不滅故
曰無明實性即佛性幻化空身即法身祇如四大五
蘊不淨之身都無實義如夢如幻如影如響從無量

劫來流浪生死貪受所使暫無休息出此入彼積骨
如毗富羅山飲母乳如四大海水何故為無智慧不
能了知五蘊本空都無實義逐境生愛欲網所拘不
得自在所以世尊道諸苦所因貪欲為本若滅貪欲
無所依止你等若能了知幻身虛假本來空寂諸見
下生無我人眾生等見諸法皆如故云幻化空身即
法身法身覺了無一物唯有聽法說法虛玄大道無
著真宗故曰本源自性天真佛五陰浮雲空去來三
毒水泡虛出沒若如是者是謂度一切苦厄乃至無
量無邊煩惱知解悉皆清淨號曰清淨法身若到者

箇田地此_下出入彼捨身受身地獄天堂此界他方縱
橫自在任意浮沉應物舒光隨機逗教喚作千百億
化身恁麼說話可謂無夢說夢和泥合水撒屎撒尿
不識好惡乃呵々大笑云若夫僧衲門下十方八千
未夢見他汗臭氣在雖然如是不得一向但以假名
字引導於眾生珍重上堂云心隨萬境轉處處實能
幽隨流認得性無喜復無憂拈起拄杖子云者箇是
道吾拄杖子那箇是諸人心河沙國土河沙諸佛西
天二十八祖唐土六祖盡在道吾拄杖上轉大法輪
諸人還見麼若見朝游西天暮歸東土若也不見晨

朝有粥齋時有飯卓拄杖一下六座上堂云有物先
天地無形本寂寥能爲萬像主不逐四時凋拄杖
云者箇是道吾拄杖那箇是萬像主良久云若見諸
相非相即見如來喝一喝卓拄杖一下六座上堂云
有時先照後用有時先用後照有時照用同時有時
照用不同時所以道有明有暗有起有倒乃喝一喝
云且道是照是用緇素辨得麼試出來呈醜拙者若
無道語今日失利喝一喝下座上堂云祖師心如一
印六空一印六水一印六泥如今還有印不著者麼
試向脚跟下倒請將一句來設你道得個儻分明第

一不得行過衲僧門下且道衲僧有什麼長處良久
云人王三四寸徧地是刀鎗喝一喝卓拄杖一下六
座上堂云一喝分賓主照用一時行若會箇中意日
午打三更乃喝一喝云且道是賓是主還有人分得
麼若分得朝行三千暮行八百若未能分得道吾今
日失利拂一拂下座上堂云法大本來法無法無非
法拈拄杖云者箇是道吾拄杖那箇是本來法良久
云但有路可上更高人也行喝一喝卓拄杖下座上
堂云法身無相應物現形拈起拄杖云者箇是道吾
拄杖那箇是法身者箇是葛藤且致僧堂佛殿穿入

汝諸人鼻孔裏去也四大海水在汝頭上龍王在汝指甲上還覺麼若覺去晝行三千夜行八百脚下煙生頭上火起若也不覺饑來喫飯困來眠喝一喝下座上堂云一切諸佛皆以無爲法而有差別前是按山後是主山那箇是無爲法良久云向下文長付在來日喝一喝下座問佛令祖令即不問如何是正令師云金鳳投崖僧便喝師亦喝卓拄杖一下僧背唾便入衆師云念你是化主上堂云天已明鼓已響聖衆臻齊合掌如今還有不合掌者麼有即尼乾歡喜無則曇曇惡發久立珍重僧問磨甎三尺劍去化不

平人師意如何師云好去僧云點師云你者僧拍手一下歸衆師云了上堂云世尊三昧阿難不知阿難三昧商那和修不知從上諸聖三昧互相不知乃拈拄杖子劃一圓相云者箇是什麼還有人道得否良久云路逢劍客須呈劍不是詩人莫獻詩喝一喝下座上堂云涅槃無異路方便有多門拈拄杖云者箇是道吾拄杖那箇是涅槃門良久云見月休觀指歸家罷問程喝一喝下座上堂云夫說法者須應時節若不應時總是非時語還有人應得著應即應了也且道落在什麼處喝一喝下座上堂云道吾打鼓四

大部泐同參拄杖橫去挑括乾坤大地鉢盂轉去覆却河沙世界問余諸人向什麼處安身立命若也知去向北俱盧州喫粥喫飯若也不知道吾罪過玆重上堂僧出禮拜起便喝師云作麼生僧又喝師云瞎僧禮拜師云三十棒且待別時來與你喫問古人面壁意旨如何師云有年無德上堂云北山南人山北日月雙明天地黑大海江河盡放光逢著觀音問弥勒珍重師住石霜開堂日僧問維摩一默未稱師宗棒喝齊施中流罔措今日一會請師方便師云石笋逢春長霜華向日開進云與麼則陽鳥啼夕語雨過

百華新師云不因漁父引焉知水淺深僧云峻水隨流急雲開照碧天師云我行荒草裏你又入深村僧應喏云官不容針更借一問師意如何師云放你三十棒三十年後方始知痛痒僧舞袖而退師云夢見問方木調弦時如何師云幡竿一尺二進云恁麼則和尚手出今時也師云脚撥不動僧云莫道不知音師云三十年後悟去不定問有理難伸時如何師云苦進云恁麼則舌柱上齶也師乃噓个僧云將謂胡鬚赤師云夢見南源脚跟問古鏡未磨時如何師云新羅打破進云磨後如何師云西天作舞上堂云青

蓮視瞬以多繁迦葉微々英自漫火室坐著癡截臂
黃梅呈解頌多般入門捧喝重人錯向上宗乘肉自
刺公接見成誰懣懣鑿啾啾啞旁觀一宿覺來知
是設不言師範更無端丈夫皆有衝心志北斗南星
乃面者

偈頌 因僧請益三玄三要頌

第一玄三世諸佛擬何宜垂慈夢裏生輕薄端坐還
成落斷邊第二玄剎剎僧眼未明石火電光知是
鈍揚眉瞬目涉關山第三玄萬象森羅宇宙寬雲散
洞空山嶽靜落華流水滿長川第一要豈話聖凡妙

擬議涉長途擡眸七顛倒第二要峰頂敲捷召神通
自在來多聞門外叫第三要起倒令人笑掌內握乾
坤千差都一照報你通玄士捧喝要臨時若明親的
旨半夜太陽輝

因僧請益臨濟兩堂首座齊下喝頌

啐啄之機箭拄鋒斨然賓主當時分宗師愍物垂緇
素北地黃河徹底渾

因人請益慧超佛話有頌

僧問如何是佛耶云汝是慧超禮拜進前叉手思量
十萬超人

因僧請益雲門超佛越祖之談

超佛越祖若何宜充齋餽餅恣情餐湖南展鉢新羅
咬大石波斯索渡船

因僧請益乃述三訣頌

第一訣大地山河泄維摩纒默然文殊便饒舌第二
訣展拓看時節語默豈相干夜半秋天月第三訣遠
路難登涉陸地弄舟船眼中藏日月

三句頌

第一句天上他方皆罔措俱輪顛倒論多端巍大未
到尼俱樹第二句臨濟德山涉路布未過新羅棒便

揮達者途中亂指注第三句維摩示疾文殊去對談
一默震乾坤直至如今作笑具

因僧請益五位有頌

正中偏半夜烏雞室裏鳴海底然燈光世界石上栽
華長枝蠶偏中正日落西山觀異影分明景像顯宗
乘休把迷頭窺月井正中來木馬生兒徧九垓進退
任行通鳥道豈並巢居界內隈兼中至彼个丈夫全
意氣不省交互不傷鋒展拓縱橫不相離兼中到異
白已前休作造須明露柱未生兒莫認狂辭途路走
都一頌

偏中歸正極迷玄正去偏來理事全須知正立非言
說朕兆依稀屬有緣兼至去來興妙用剏兼何更逐
言詮出沒豈能該世界蕩人無依鳥道玄
因僧請益風穴佛話
杖林山下竹筍鞭南北禪人萬人千莫怪相逢不下
馬東西各自有前程

寄李駙馬

分身千百億悲智願難窮在俗還隨俗居宮即順宮
頭个皆巨護處不現神通珍重吾宗幸多能立古風
又

仰觀天畔一輪日幾度清光四上出大士蓬頭問志
公摩訶般若波羅密

注杜順和尚頌

懷^懷列牛喫禾河沙

天下召醫人驢頭

牧童

益州馬腹脹機街

炙猪左膊上盡虎

牧牛童實快活跣足披蓑雙角撮橫眠牛上向天歌
人間如何午未渴回面觀平田闊四方放去休攔過
八面無拘任意游弄牧糝向鼻頭捏小牛兒順毛捋
角力未充難提掇且從放在小平坡慮上孤峯四脚

脫日已高休喫草
抬起索頭無火老
一齊牽向圈中
眠和泥看伊東西倒
阿可大好又好閑
將短笛順風
吹震動五湖山
岳嶋到騎牛脫破襖
知音休向途中
討若問牧童何處居
鞭指東西無一寶

冬不人事

東山林木高幾歲
幾迴雨南嶺松枝瘦
石生石畔土
金色元瞿曇二二七八五

因增益請古人十二時謂乃頌之

雞鳴丑夢裏逢人
莽大鹵平且寘
覺來路上弄精魂
日出卯赫々光明影
裏坐食時辰食飽
還知是病因

禺中已買賣論量入市肆
日南午萬像分明作笑具
日昃未張公喫酒李公醉
哺時申省來端坐醉醺々
日入酉茆蓬竹戶硬撐拄
黃昏戌日落西山狐魅出
人定亥老鼠牀頭作隊々
夜半子一輪明日蘇嚶哩
滁州瑯琊山慧覺禪師初開堂外座
拈香畢有僧問師唱誰家曲
宗風嗣阿誰師云一任你鑽龜打瓦進
云恁麼即汾陽一箭直射瑯琊師云
了問如何是祖師西來意師云
庭前殘燭謝問如何是佛師云
黃面比丘進云莫便是也無師云
智無鉢兩

蘄州黃梅龍華寺曉愚禪師行脚時參五祖戒禪師

乃問不落唇吻一句作麼生道師云老大大大話頭也不照管戒便喝師亦喝戒拈棒師便拍手下去戒召云闍梨且住話在師將坐具塔在肩上更不迴首而去唐州龍潭智圓禪師初開堂有僧問師唱誰家曲宗風嗣阿誰師云汾陽水急白浪滔天進云還許學人措足也無師云輒問承教有言是真精進是真法供養如何是真法師云夜聚曉散問如何是龍潭劍師云觸不得進云用者如何師云白骨連山問久響龍潭到來爲什麼龍不現師云水深不見底進云現後如何師云特地一場愁

果州永慶院光普禪師在石門慈照聰禪師會下早參師問承古有言大慈院裏有齋意旨如何石門云日出隈陽坐天寒不舉頭下座後師續後入室石門問適來因緣作麼生會師云會即途中受用不會即世諦流傳石門云未得更道師拂袖而去師開堂日僧問如何是佛法大意師云蜀地出鑛鐵桂州壽寧院慧靈禪師曾問光境俱亡道歸何處師云街頭市尾進云即今事又作麼生師云拖泥帶水問如何是和尙家風師云有少無多進云未審客來將何祇待師云長連牀上簾叢淡飯

襄州石門山第六世了同禪師云適來堂上鍾子未
鳴時諸上座便合知時何用上來握節當曾實爲屈
沉諸仁者然即如是撒沙向諸上座眼裏去也三世
諸佛在諸人鼻孔上轉大法輪者久良久云冬行春
令玆重問如何是鳳皇機師云分明舉似閣梨進云
忽遇遊子相投又若何師云且領話僧問如何是透
法身句師乃拈淨餅便作傾水勢進云未審此意如
何師云箭過新羅問如何是祖師西來意師云獨步
離天竺

荆南府竹園山法顯禪師開堂日僧問師登寶座當
說何法師云香煙起處衆雲集學云恁麼則紅焰光
中不見蹤也師云乾坤無透路問如何是佛師云好
手畫不成問如何是道師云交橫十字進云如何是
道中人師云徃々不相識問如何是奇特之事師以
拄杖劃一劃僧便喝師拍繩牀一下僧禮拜師便打
問承教有言止々不須說我法妙難思如何是止々
不須說師云太多也學云如何是我法妙難思師云
不如速礼三拜

彭州永福院延照禪師上堂僧問師登寶座朝騎降
臨向上機鋒請師舉喝師云月輪碾破琉璃殼海內

龍王笑點頭進云恁麼即迷悟不從師也師云罕逢
穿耳客頻遇守株人問如何是彭州境師云人馬合
雜進云如何是境中人師便喝僧以手作拽弓勢師
便拈棒僧擬議師便打問古德有言徧體汗流山鬼
窟袈裟遮面鬼神村意旨如何師云青城六面出賢
人僧擬議師便喝

唐州大乘山德遵禪師初開堂日僧問西天一佛出
世地布黃金今日出世有何祥瑞師云破布裏真珠
進云恁麼即圓融十號光透娑婆師云驢駝青布袋
問世界圓融一句請師道師云團个七尺餘問如何

是大乘山師云澗水向東流進云如何是山中人師
云眉龜眼白問如何是臨濟一喝下事師云山僧却
道不得僧便喝師云好喝僧又喝師云未信你在僧
云瞎師拈棒便打師上堂云古佛傳心印常然般若
燈曹谿玄妙旨馬祖至今弘踏破波中月其間幾箇
能吾宗高格外來往自騰个時有僧問承師有言如
何是吾宗高格外師云笑指斜陽投暗室踏轉毗盧
海嶽傾進云如何是來往自騰个師云韓盧咬骨空
舐齶腹內懸个背合塵
湖列景清禪院居素禪師初升座維那白槌云法筵

龍象衆當觀第一義師云第一義中明會猶是掩耳
偷鈴不動位中紹得未免遭人取剝設使高超象外
靜離言鋒未忘取捨之情豈敵有無之患如斯見解
笑殺他人然雖如此官不容針私通車馬有擬請問
僧問相大相傳大祖印師今得法嗣何人師云鑿齒
池邊魯鬪勝道安巖畔任經行進云恁麼則昔日虎
溪華重秀今朝雪水月方新師云綠竹千竿老松蘿
一徑深問如何是景清境師云雨過溪橋人懶度進
云如何是境中人師云蟾蜍光冷豈堪觀問遠人投
師乞師一接師云新羅人打鼓學云如何領會師云

船主未曾逢僧問承和尚有言寰中天子勅塞外將
軍令如何是塞外將軍令師云揭學云其中事如何
師云蹴學云莫便是和尚爲人處也無師彈指一下
問如何是未上一句師云金剛樹下學云如何是末
後一句師云拘尸城邊學云向上還更有事也無師
云有學云如何是向上事師云波旬撫掌呵大笑迦
棄擡頭不識人

鎮國軍節度使駙馬都尉李遵勗

所有語錄別從編錄

蘇州洞庭山翠峰禪院慧月禪師升座云若論祖師
心印豈於第一義諦中收得非但第一義三要收不

盡四句豈能該假使言前明得猶在半途直饒言詮
 俱忘未免拖泥帶水然雖如是事不一向或有疑情
 便請出眾商量時有僧問師唱誰家曲宗風嗣阿誰
 師云太子谷中垂韁并鳳林關上羊枯碑進云恁麼
 則昔時谷隱今日常堂也師云楚山突岬三冬秀漢
 水灣環四季清間一華開五葉結界自然成時如何
 師云脫却籠頭卸却角馱進云撥出虛空去處下盡
 聞香師云雲愁聞鬼哭雪壓觸骸吟問和尚見未谷
 隱時一句作麼生道師云步人登山遠進云見後如
 何師云驅人信馬蹄覺圓上座師杭州人也廣嚴禪

院受業初參谷隱上堂次便出問云學人開旗請師
 展陣隱云你試呈者醜拙看圓擬議隱便喝圓喚侍
 者隱云詰圓禮拜隱云大眾旗又開了陣又展了爭
 奈地上七縱八橫便下座歸方丈圓與谷隱山持書
 到李駙馬宅將堂頭書與都尉人接得書收在懷中
 却展兩手圓亦展兩手尉云碎尉因齋次問云今日
 盛陳香供蓋為生辰大士亨齋諸佛同祐且道有利
 益也無圓云明年更有新條在尉云雪峰道底圓云
 猶亂春風卒未休尉云一任躑跳圓臨示寂頌曰住
 亦何依去亦何往三界十方如觀指掌不上中天匪

乘白象珍重同人青煙直上言訖端坐而化焚燒之
後五色舍利無數
翰林學士工部侍郎贈禮部尚書文公楊億任秘書
監知汝州日嘗有書寄李維內翰叙其始末師承書
云病夫夙以頑瘥獲受獎顧預聞南宗之旨久陪上
國之游動靜咨詢周旋策發俾其剗心之有詣牆面
之無慙者誠出於席間牀下矣矧又故安公大師每
垂誘導自雙林滅影隻履弗歸中心浩然罔知所止
仍歲沉痾神慮迷恍殆及小間再辨方位又得雲門
諒公大十見顧蒿蓬諒之旨趣正與安公同轍並自

廬山歸宗雲居而來背是法眼之流齋六年假守茲
郡適會廣慧禪伯寶承嗣南院念六嗣風穴風穴嗣
先南院南院嗣興化興化嗣臨濟臨濟嗣黃檗黃檗
嗣先百丈海大嗣馬祖馬祖出讓和尚讓即曹溪之
長嫡也齋中務簡退食多暇或坐邀而至或命駕從
之請叩無方蒙滯頓釋半歲之後曠然弗疑如忘忽
記如睡忽覺平昔礙膺之物曝然自落積劫未明之
事耀爾現前固亦決擇之洞分應接之無塞矣重念
先德率多參尋如雪峰九度上洞山三度上投子遂
嗣德山臨濟得法於大愚終承黃檗雲巖多蒙道吾

誦誘乃為藥山之子丹霞親承馬祖印可而作石頭之裔在古多有於理無嫌病夫今繼紹之緣實屬於廣慧而提激之自良出於鼇峯也忻幸忻幸侍郎問廣慧和尚尋常承和尚有言一切罪業皆因財寶所生勸人踈於財利況南閩衆生以財為命邦國以財聚人教中有財法二施何得勸人踈財廣云幡竿尖上鐵龍侍云海壇馬子似驢大廣云楚雞不是丹山鳳侍云佛滅二千歲比丘慚愧問門僧表澄承古有言天上無弥勒地上無弥勒未審弥勒在什麼處澄云手上木侍云罪有所歸澄云知過人難得侍云

契取拄杖澄喝侍云且放過即不可侍郎問李駙馬釋迦六年若行成得甚麼事尉云擔拈知柴重問一盲引衆盲時如何尉云盲侍云灼然尉便休同光帝問興化和尚云朕收得中原之寶祗是無人酬價興化云略借階下寶者帝以手舒幞頭脚興化云君王之寶誰敢酬價玄覺云祗如興化眼在什麼處若不肯過在什麼處侍云興化恁麼祗對是肯莊宗不肯莊宗試辨看

論語

因僧談道侍郎遂云道不離人大能弘道大凡參學

之人十二時中長須照顧不見兩泉道三十年有一
頭水牯牛若犯他人苗稼摘鼻拽迴如今變成露地
白牛騾六地放他不肯去諸人長須著些精彩不可
說禪道之時便有箇照帶底道理擇菜作務之時不
可便無去也如雞抱卵若是極離起去暖氣不接便
不成種子如今萬境森羅六根煩動略失照管便喪
身命不是小事今來受此緣生被生死繫縛蓋爲塵
劫已來順生滅心隨他流轉以至如今諸人等且道
若曾喪失何以得至如今要識露地白牛麼試把鼻
孔拽看侍郎云玄沙和尚道大唐國內宗門中事未

曾有人舉唱或有人舉唱盡大地人總失却性命無
孔鐵錘相似一時亡鋒結舌去且道是甚道理如今
假立箇賓主動者兩片皮豎起指頭拈起拂子纒成
顛倒知見順汝在意教汝有箇申問處若是明眼人
前忘生拈掇得出祇如魯祖和尚見僧來便面壁長
慶道恁麼地接人驢年得一箇去我道魯祖也祇是
不識羞是他明眼人又爭肯你今來事不獲已與汝
諸人作顛倒知見一似結巾爲馬捏目牛羣上祖道
商聞佛知見示佛知見恆佛知見入佛知見教他恁
道抑下多少威光且道諸人分上欠少箇什麼雖然

如此我若不恁麼與汝知聞你又什麼處得見我古
人道知恩者少且道承簡甚人息於此不明問取露
柱去侍云此事大難釋迦老子三七日中思惟便欲
入涅槃被帝釋梵王慇懃三請不得已而許之始自
鹿苑終於俱尸羅城中間四十九年大作佛事說五
乘十二分教如餅注水後來於靈山會上目視迦葉
謂大眾云吾正法眼已付摩訶大迦葉又云我於四
十九年中不曾說一字此是什麼道理若於諸人分
上著一字脚下得爲諸人各有奇特事在喚作奇
特早是不中也我道釋迦是敗軍之將迦葉是喪身

失命底人汝等諸人且恁生會不見道涅槃生死俱
夢言佛與衆生並爲增語直須恁麼會取不要向外
馳求若也於此未明敢道乖張不少侍舉肇論云會
萬物爲已者其唯聖人乎如今山河大地樹木人物
從地是同是別若道同去是他頭下物々各々不同
若道別去他古人又道會萬物爲已且恁生會祇如
教中說若有一人發真歸源十方虛空一時銷隕古
德亦云若人識得心大地無寸土此是甚道理直下
盡十方世界是汝一隻眼一切諸佛天人群生類盡
承汝威光建立須是信得方及得侍郎臨終前一日

親寫一偈與家人令來日送達李駙馬處偈曰
漚生與漚滅如一二法本來齊欲識真歸處

趙州東院西

尉撈得偈云泰山廟裏賣紙錢

普照禪師修戒有僧問如何是佛師云千葉碧蓮雲
裏現萬重山水異聞香問如何是祖師西來意師云
猴猕摘山果野鹿下田中間如何是學人自己師云
煙霞起處和雲白鶴飛霄漢出銀籠問不施寸刃便
登九五時如何師云書落張良錦帳西問如何是祖
師西來意師云朝見八關開石室暮看金烏送枕頭

拄杖歌

千峰間出虬形樣碧眼胡僧怎生向有時擺撼動滄
波莫把乾坤為比量放橫時奔掣電握坐金毛爭敢
現拈來掌上震機鋒爍迦羅眼何曾見擬商量昏色
暗撥破雲霞光璨爛攜行空裏翫秋天攪海魚龍皆
膽戰悅人心逢快便縱使塵沙歸下畔崢嶸獨立在
虛在堂神通作麼變喝

雪頌

冷氣凝空墜 銀華巾地生 苔痕無覓處
山嶽絕人行

西來意頌

問我西來意

西來意甚深

直饒玄會得

眼裏下金針

都旨

薄伽演出五天雲

落處須教皂白分

進退互為通鳥道

森羅萬象定乾坤

天聖廣燈錄卷第十八

